


450,786.

Graslieb
Bühl
Honey





A C T A
ECCLESIAE GRAECAE

ANNORVM
MDCCLXII ET LXIII.

SIVE

DE

SCHISMATE RECENTISSIMO

IN

ECCLESIA GRAECA

SVBNATO

COMMENTATIO

AVTORE

M. IOANNE FRIDERICO LE BRET

Ill. Gymn. Stutg. Professore Geographiae
ordinario, Acadd. Robor. &
Florent. Socio.

STVTGARDIAE
APVD IO. BENED. MEZLER.
MDCCLXIV.


BX310

.L43


1764

oil

Rare



PRAEFATIO.

ui pridie de Statu Ecclesiæ Græ-
cæ in Dalmatia scripsi, id nunc
ago, ut recentissimum in ea subnatum
schisma commemorem, non ut Græcos
exagitem, quos, dum cum eisdem con-
versari datum fuerat, singulari affectu
colui, sed ut, quo remotiores sunt istæ
a nobis terræ, inter nos aliqua ad mini-
mum de morbo hoc ecclesiæ Græcæ &
de crudelissimis hujus ecclesiæ, quas per-



petitur, injuriis, extet memoria. Mor-
bum appello, quo laborare ecclesiam
Græcam, jam antè me demonstratum de-
derunt alii, in quam quippe vel exter-
nis aliorum studiis vel interna ecclesiæ
hujus sub Turcis quam maxime gemen-
tis imbecillitate multa irreperunt, quæ
nec primævam orthodoxiam sapiunt, nec
vel felicissimo successu possunt expelli.
Ita scilicet post festum nobis gratulamur
nos quidem Protestantes, de plenaria no-
stra ab ecclesia Romana secessione, quos
idem fatum mansisset, quod Græcam ec-
clesiam ex parte premit, si non ex toto
dissensum nostrum coram toto terrarum
orbe



orbe publicæ luci exposuiffemus, forma-
ta quidem fingulari, ab ecclefia Romana
fejuncta, pacibusque publicis roborata
politia. Schifma referam, non id anti-
quum, à Romanenfibus græcæ ecclefiae
exprobratum, quod inter omnes fere
conftat, fed recentiffimum, hoc & fu-
periori anno fubortum, quod tum Præ-
fulem Romanum contra ecclefiam Græ-
cam armavit, tum Patriarchæ Conftan-
tinopolitano anfam dedit, in particula-
rem ecclefiam græcam Venetiis degen-
tem ejusque Caput ecclefiafticum, a Ve-
netis præpofitum, acriora judicia decer-
nendi, tum Venetos quoque incitavit,



petitur, injuriis, extet memoria. Mor-
bum appello, quo laborare ecclesiam
Græcam, jam ante me demonstratum de-
derunt alii, in quam quippe vel exter-
nis aliorum studiis vel interna ecclesiæ
hujus sub Turcis quam maxime gemen-
tis imbecillitate multa irreperunt, quæ
nec primævam orthodoxiam sapiunt, nec
vel felicissimo successu possunt expelli.
Ita scilicet post festum nobis gratulamur
nos quidem Protestantes, de plenaria no-
stra ab ecclesia Romana secessione, quos
idem fatum mansisset, quod Græcam ec-
clesiam ex parte premit, si non ex toto
dissensum nostrum coram toto terrarum
orbe



orbe publicæ luci exposuiffemus, formata quidem fingulari, ab ecclefia Romana fejuncta, pacibusque publicis roborata politia. Schifma referam, non id antiquum, a Romanenfibus græcæ ecclefiae exprobratum, quod inter omnes fere conftat, fed recentiffimum, hoc & fuperiori anno fubortum, quod tum Præfulem Romanum contra ecclefiam Græcam armavit, tum Patriarchæ Conftantinopolitano anfam dedit, in particularem ecclefiam græcam Venetiis degentem ejusque Caput ecclefiafticum, a Venetis præpofitum, acriora judicia decernendi, tum Venetos quoque incitavit,



in dubiis consiliis & sua jura & Græcorum internam quietem fartam tectamque tuendi. Est itaque id Schisma in Capite, aliis pro illo stantibus, aliis contra idem insurgentibus. Iactantur excommunicationes tum Romæ, tum Constantinopoli. Animi ita perturbati sunt, ut proximus fere Ucalegon ardere videatur. Rem ego sine partium studio ex juris ecclesiastici placitis, juris Græcorum maxime, tum & Juris, quo Principes gaudent, defini. Notavi *primo* capite, quid Papæ curæ sit, quomodo ista Curia in jura Principum inolet, quantas injurias Græcis infligant Episcopi Romani, qui carcere, catenis, tri-


remi-



remibus, aliisque diris ad Romanam fidem hanc ecclesiam conantur adigere. Ufus fui Actis authenticis, quæ penes me extant, & quorum inspectionem aliis, ut fidem dictis firmem, permitto. *Primum Breve Papale*, quod in sup. diff. jam in extenso attuli, non nisi quoad capita primaria inferui. Altero Capite Acta Patriarchæ Constantinopolitani, quæ rariora sunt, attuli, ex quibus disciplina ecclesiæ Græcæ & jus ejusdem. Canonicum satis patet. Dogmatica hoc loco tractare nolui. In materiis hisce jam priori diff. ad Summ. Rev. Dn. D. *Ernesti*, Theologi Lipsiensis celeberrimi *Antimurqtorium* provocavi, qui liber tanti momenti




menti Catholicis visus est, ut Indici librorum prohibitorum infererent. Commendavietiam Ven. D. D. *Kieslingii*, histor. concert inter Græcos & Latinos de transubstantiatione. Inter Græcos vero ad Spiridionem *Miliam*, Virum summum provo-co, qui ecclesiæ suæ vivum est ratione dogmatum, canonum & eruditionis oraculum. DEus verbo suo vires addat, ut & ultra mare vigeat!



DE
SCHISMATE
RECENTISSIMO
IN
ECCLESIA GRAECA
SVBNATO,
SIVE
ACTA
ECCLESIAE GRAECAE
ANNORVM 1762. & 1763.

* * * * *

*Le faux zele est un tyran, qui dépeuple les provinces:
La tolerance est une tendre mere, qui les soigne & les
fait fleurir.*



CAPVT I.

Quo argumenta Curiae Romanae ex Actis
pertractantur, cum anacrisi.

§. I.

Inferendum statuo Breve primum hac in causa
a Papa Clemente XIII. ad Venetos missum,
anni superioris die 26. Febr. datum, in quo hæc
fere capita Venetis objiciuntur.

- 1) Antiquam Venetam pietatem & studium er-
ga ecclesiam Catholicam minui.
- 2) Episcopum, cujus eligendi potestas Græcis
facta, esse a) schismaticum, b) illicite ordi-
natum, c) manuum impositionem extra ec-
clesiam suscepisse.
- 3) Papa testatur propensam voluntatem in con-
ferenda omni opera, ut Græcorum res jam

diu confusæ ac perturbatæ ad pristinam sinceræ doctrinæ sanitatem reducantur.

- 4) Multum ignominia & dedecoris afferre, pietatem & religionem Reipublicæ turpiter inquinari, si *perversorum conatus* contra Dei legem, contra institutionis Catholicæ unitatem, contra apostolicam auctoritatem, contra majorum statuta prævaleant.
- 5) Provocat ad facta historica, v. gr. a) a Leone X. impetrasse Venetos & Græcos, ut S. Georgii ædes immediate Sedi Romanæ subji-
ciatur. b) Sanctiones prostare A. 1534. & 1542. de catholicis presbyteris regendæ ecclesiæ præponendis, qui se Catholico Patriarchæ probassent. c) Sanctiones has *hominum pravitate* labefactatas, A. 1720. renovatas fuisse, remoto sacrorum Ministro, schismatis suspitione infecto.
- 6) Queritur, invalere Schismaticos, gemere Catholicos & afflictos jacere, schismaticam perfidiam religioni insidias struxisse, Lupum in ovile dominicum induci, altare profanum erigi, cathedram erroris & pestilentia constitui.

7) Esse

7) Effe se speculatorem in domum Ifraël, agi
de fide & de fervanda illa incorrupta.

§. 2.

Meum est, argumenta hæc absque partium
studio dijudicare. Primum est de pietate Vene-
torum, quæ vel in credendis vel in agendis ver-
satur. Si de credendis sermo fit, antiquam fidem
Veneti retinent, nec Catholica religio dominio
suo hac in Republica decedit. Quoad dogma Ca-
tholicum, nulla unquam in hac Republica muta-
tio facta, quam gloriam Veneti anxie defendere
& tueri satagunt. Hinc si *Amelot de la Houffaye*
& Auctor scripti: *Squittinio della libertà origina-
ria di Venetia*, porro ipse *Queva* in *Relatione sua*
Msc̃ta de hac Republica, satyrico sale Venetos
perstringant, non nisi res tangunt, ad summam
Principum majestatem pertinentes, quam jurisdi-
ctionem Veneti instar aliorum Principum Catho-
licorum contra Curiam Romanam quovis modo
illibatam servant. Non enim de clandestinis Lu-
theranæ & Calvinianæ doctrinæ motibus tempore
reformationis & Concilii Tridentini, interdictique
etiam Pauli V. hic loquor, sed de publico doctri-
næ typo & dominio. In omnibus cum Catholi-

cis consentiunt, quapropter tum episcopos deprehendentes Catholico Romanorum stylo zelantes, tum cultum sanctorum magna cum pompa, quæ ad luxum fere excedit, continuatum. (*) Deprehendentes

(*) Quid hac in re templis Italicis, ubi sanctorum proponuntur imagines, inhæreat maculæ, id ego, nisi id alii jam ante me palam dixissent, ficco pede præterirem. Sed graviter contra hæc vitia testatur *Salvator Rosa*, ipse Catholicus in Satyris inter Venetos editis, licet Amstelodamum in fronte ferant. Sat. III. quæ *la Pittura* inscribitur. Pag. 73. ita infit:

- - - peggio s'impiega

La sacrilega industria e l'empio abuso,
 Che nelle Chiese, ove s'adora e prega,
 Delle donne si fanno i Ritrattini,
 E la magion di Dio diven bottega.
 Della fe, del timor rotti i confini,
 In faccia a Dio fomentano i colori
 Gl'adulteri e gli Stupri agli Zerbini.

p. 74. Più tavola non v'è, che almen sia casta,
 Che per i Tempi la Pittura insana
 La religion col puttanesmo impasta.
 O quanti Arrelli in quest'età profana
 Di Numi in cambio, nelle sacre tele
 Dipingono il Bardassa e la Puttana?

Onde

hendes Sacra Venetiis fieri majori cum impensa, quam Romæ, & Clerum in casibus conscientiæ & reservatis præ reliquis laborantem. (*) Id unicum est, auctoritatem Papæ eo loco non haberi, quo vellet Pontifex, & ecclesiæ Gallicanæ principia non palam, clam vero invalere, quapropter tum a Brevibus & Bullis, tum & a Sanctis v. gr.

Gre-

Onde tradito poi lo stuol fedele
Con scelerata e' folle Idolatria
Porge i Voti all' Inferno e le querele;
Che d'un Angelo in vece e di Maria
D'Ati il volto s'adora, e di Medusa
L'effigie d'un Batillo, ò d'un' Arpia.

(*) Casus reservati sunt vel Episcopo vel Pontifici. Quævis fere diœcesis certis consuetudinibus in reservandis hisce casibus utitur. Id vero quam maxime vellem, supprimi omnes aut illos certe articulos, ubi de peccatis carnis est sermo. Scandala sunt perpetua Libri integri *Suarezii* de matrimonio, & multa peccata, quæ ne fando quidem unquam acceperis, in hisce libris inveneris, quæ animo cultiori & religiosiori stomachum & nauseam movent. Quodsi enim Confessoribus abominations ejusmodi revelentur, quid opus est in libris publicis eadem, quæ compluribus ignotæ manerent, nominari?

Gregorio VII. abstinent, si vel directe vel indirecte Principis auctoritas petatur.

§. 3.

Principiis sic positis, studium in catholicam religionem minui dici nequit. Studia sua in eandem sæpius jam commonstrarunt tam in Concilio Florentino, quam Tridentino. Quid in hoc a Venetis sit præstitum, habet *Sarpinus*, & ipse *Pallavicinus*, Romanæ dignitatis strenuus alias assertor, cujus auctoritas inter Catholicos minus est odiosa quam Sarpin. Refert *Pallavicinus* L. 18. C. VIII. n. 15. ed. Mediol. 1745. P. III. ex ipsis actis Borromæi, quo cardine volvebantur res Tridentinæ, *Oratores Venetos ex illis congregationibus abfuisse, ubi omnes fere Legati coierant & consenserant de petenda ecclesiæ reformatione, „à nettar la Chiesa da tanti rei usi, ed a correggervi i depravati costumi., Veneti itaque Oratores id beneficii & studii præstabant Romanæ Curix, ut cum Legatis Pontificiis in deneganda reformatione consentirent. Et cum e re Romanensium esset, truncare Concilium, ne alia postulata eaque graviora in medium proferrentur, res cum unanimi consensu tum Venetiis tum Tridenti fuit pertractata,*

re-

refragante licet Comite *Luna* Hispano, & ut de-
 nuo Protestantes invitentur, postulante. L. XXII.
 c. I. p. 596. hinc & omni studio finem Concilii
 urgebant. In Canone de matrimoniorum divor-
 tiis Græcos quidem excipi ab anathemate vole-
 bant, id vero non nisi eam ob causam faciebant,
 ne ab obsequio erga Prælatos & Latinos avelleren-
 tur. L. XXII. c. IV. n. 27. Nonne hoc est studere re-
 ligioni Catholicæ? Licet quoque *Nicolaus de Pon-*
ze, Orator Venetus, libertatem Concilii præopta-
 ret, tandem tamen subscripsit, Venetique inter
 primos fuerunt, qui Concilium Tridentinum ac-
 ceperunt. Quid vero a Venetis pro Sede Roma-
 na in Concilio Florentino sit præstitum, & quan-
 tos ideo sumtus infumserint, describit ex parte
Laonicus Chalcondilas de reb. Turc. L. VI. p. 96.
 6. ed. Lat. Francof. 1565. partim alii scriptores
 Veneti, ita ut summa plane rerum a Venetis fue-
 rit pertractata. Taceo studium Venetorum in re-
 stituendo Alexandro III. Dogma itaque adhucdum
 idem est, aliæ vero viæ pro ratione systematis po-
 litici libertatem tuendi, alia media, rempublicam
 tam domi augendi quam foris muniendi. Quod
 dissentientes, v. gr. Lutheranos, Calvinianos,

A ;

Græcos,

Græcos, & sic porro, tolerant, id ad jura Principis pertinet majestatica. Quicquid contra ea moneat ac ogganniat *Pompejus Marinus*, res est invado. Marinus enim, cui scripta Sarpîi omnia fuerunt proposita, directæ sensa prodit Sarpianis contraria, quoad jura Principis Veneti in tolerantis heterodoxis. Ita ille: „Nè tollerando giammai in Città sì Cattolica reduzioni, ben secrete d'infedeli, nè che sian predicate dottrine contrarie al cattolico dogma. Devonsi però à tutta possa perseguitare e castigare quelli, che l'insegnassero, non risparmiando sanguinarie dimostrazioni, per frenar i disordini di tanta importanza, al che si stimola non solo l'onor di Dio, mà la ragion politica, perchè le Novità in materia di religione apportano sempre sedizioni, spargimenti di sangue e ruina de' governi, e di ciò ne diedero funesti esempi la Germania. „ &c. Pietatem Venetorum minui per tolerantiam hanc, quis dicat? Quis prætendat, eandem minui legibus, quas habent, culmini Romano contrariis, quæ & antiquæ sunt & in ipsa forma Reipublicæ fundatæ, quas qui tangit, rem publicam tangit. Gravis & molesta Romanensibus est lex Veneta contra Papicolas, i Pa-

palini

palini dictos, de quibus commentatio singularis Patricii MEMI in manibus est: ea vero lex de expulsiōe Papicolarum sive partium papalium studiorum ex conventibus publicis non de dogmate, sed non nisi de jurisdictione summa & Majestatica tractat. Romæ pro certo mihi fuit affirmatum, ex Venetis ad Romanos nonnisi scutorum octo millia redire, quod sane, si priorum temporum rationem habeas, nihil & pars fere contemnenda est. Succo vero vitali Romanos privarunt non Veneti soli, sed & Galli & Hispani una cum Lusitanis, quorum pietatem minui, ex hoc solo capite dici nequit.

§. 4.

Alterum est, Episcopum, ejus eligendi potestas facta fuit Græcis, esse *Schismaticum*. Schismaticus ex juris Canonici placitis est, qui se ab unitate ecclesiæ per inobedientiam separat. Jam cum quam atrocissimæ sint Schismaticorum pœnæ, verbi gr. Excommunicatio, depositio, bonorum confiscatio, & a se gestorum annullatio, non levis macula est, stylo curiæ Romanæ Schismatis argui. Si vero thesis ad casum propositum applicetur, alia est quæstio, an Episcopus Græcorum

rum absolute loquendo fit Schismaticus, semper quippe ab ecclesia Romana avulsus, cui nunquam fuit addictus. Nisi pro pontificiis partibus velis allegare, ecclesiam Venetam Sancti Georgii semper Papæ fuisse subjectam, cui Schismaticus immiti nequeat. An Schismaticus fit *Facea*, ad personalia pertinet, & opponentis est, asserta demonstrare. Ex actis historiae ecclesiasticae patet, quam arbitraria sit inter pontificios Schismatici definitio, idque exemplo *Bonifacii VIII.* demonstrat *Thomasius ad Lancelottum* lib. IV. n. 163. *Illicita* ordinatio aliud caput est, quod Papam male habet. Ut licita sit ordinatio, ex jure Canonico requiritur electio Canonica, examen, confirmatio. Electionem *Faceæ* Canonice factam, negari facile nequit, facta quippe est ab iis, quorum interest, & qui jus habent, facta est ab ecclesia græca Veneta, facultate data a summo imperante, cujus est, electum in temporalia immittere. Canonice electus, idem etiam a Senatu confirmatus est, quod illi, vitio quidem exprobrari posset, quia curia Romana confirmationem sui juris esse affirmat, ex nexu capitis, & primi Episcopi cum reliquis Episcopis, vel, licet suo jure cesserit, jus con-

confirmandi penes Patriarcham Constantinopolitanum est, qui vero confirmare noluit, quia nonnulli abusus prius in ordinem erant redigendi, tum Facea, pluralitate votorum electus, criminis Simoniae fuit infimulatus, quippe praepotentia & opibus Graeci cujusdam, qui partes Faceae fovet, electus. (*) Examen, cui Episcopi sunt subjecti, multi non subeunt. Non subit v. gr. Patriarcha Venerus, ob dignitatem Reipublicae. Nec subire potest Graecus Episcopus sive Facea sive alius quis, quia tum jura Nationis & ecclesiae Orientalis laederet, tum vero ad fidem adigeretur, a qua perquam est aliena ecclesia Orientalis.

§. 5.

(*) Occultis artibus eo rem adegisse *Faceam* putant, patrocínio, vel si mavis impotentia Maruzziana protectum. Majori enim & potiori jure gaudet D. Spiridion *Milia*, Corcyrensis, eruditissimus Vicarius Episcopalis ecclesiae S. Georgii, quo munere jam per septennium fuit functus, & qui in nova Conciliorum editione *Manfiana* maximopere defudat. Contra hunc *Miliam* testa fraude artibusque Simoniacis egisse *Faceam*, sunt qui memorant, quas lites ego componere nolim.

§. 5.

Cum vero ad ordinationem ex Canone IV. Concilii Nicæni, qui adhucdum inter Græcos in usu est, tres requirantur Episcopi, quæritur, an Facea huic præcepto satis, quod est, fecerit. Ipse quidem Corcyræ consecrationem suscepit, quam ipsius Antagonistæ, saniores quidem Græci, illegalem, clandestinam, Simoniacam vocare non dubitant. Sic multæ ex utraque parte contra eum dantur exceptiones, non quidem æque inter Romanenses notæ, quorum nec est huic seseingere liti, ad eos non pertinenti, at inter Græcos notissimæ. Si de regulis ordinationum generalibus quæsieris, quas habet D. *Rebuff de Monte Pessulano* Ven. 1560. p. 335.

Primum præcipitur, quod sit sine crimine Præsul,
 Monogamus, sobrius, pendens, ornatus & hospes,
 Casta docens, non percussor, non litigiosus,
 Non cupidus, bene dispositus, non neophytusve
 Talis Apostolica, quod præsit, regula iussit,
 eæ principium petunt, idque mali est, quod
 Georgium Faceam præmit, non vacare eum crimine
 simoniæ, nolle eum pendere a Patriarcha
 Constantinopolitana, quod vero quid ad Romanos?

Tertio

Tertio loco, manuum impositionem ei extra ecclesiam Romanam fuisse collatam, asseverat Curia Romana. Quid tum, si cetera sint paria? Sunt inter Catholicos, sunt & inter Protestantes, qui manuum impositionem absolute necessariam reputant, illi, ut characterem indelebilem tueantur, hi ob alias causas, episcopalemque successionem, in terris quippe Protestantium, ubi ordo Episcopalis fuit servatus. Cel. *Pfaffius* in *Orig. jur. eccl.* ed. 1756. p. 21. ex Maimonide aliisque demonstratum dedit, manuum impositionem ne apud ipsos quidem Judæos fuisse necessariam, adeoque nec Christus a ritu judaico deviasse dici potest, qui in missione Apostolorum prima & secunda ab impositione manuum abstinuit, sed pro summa autoritate in sequiore missione eos insufflavit Joh. XX. 20. 22. 23. Impositio manuum facta est vel in ordinatione Act. VI. 5. vel in confirmatione baptizatorum, Act. VIII. 17. vel in sanationibus, Act. IX. 12. In confirmatione baptizatorum S. Spiritus illapsus sæpius subsequabatur, id quod hodie non fieri inter omnes constat. In hac materia sunt, qui in excessu, sunt &, qui in defectu peccant. Illi impositionem manuum ob effectus

ctus sanctitatis cujusdam fere physicae absolute necessariam reputant, ut Catholici, ipsi etiam Græci, quorum vero *σφραγίς* multum differt a caractere indelebili Scholasticorum, mitiorem certe interpretationem admittit; Angli porro Episcopales, licet a caractere indelebili de cætero alieni. In defectu peccant, qui prorsus ab illa abstinent, altoque despiciunt supercilio. Nos media via incedentes, ut ceremoniam laudabilem in se retinamus, cui ob ordinem ecclesiæ nostræ nos addiximus. Alia vero est quæstio, mihi a Protestantibus intra & extra Sueviam mota, an validum & ratum sit Sacramentum sive Baptismi sive S. Cœnæ, a Ministro administratum in publico cœtu, qui a Consistorio, facultate ea administrandi, fuit exornatus. Ego quidem, Württembergicæ ecclesiæ addictus, hac de re prorsus non dubito, nec facta mihi exceptio vel tantillum me movit. Quod si vero manuum impositio extra ecclesiam fiat, illegitimam eam esse oportet in effectu & respectu ad ecclesiam, cui quis addictus est. Posito quidem, esse Virum, cui manus sunt impositæ, ecclesiæ Romanæ membrum, eo casu Romana ecclesia jus in eum nanciscetur.

tur. (*) In *Faceam* vero, five ordinetur, five non ordinetur, jus huic ecclesiæ non competit, quod a Græcis semper negatur, adeoque manuum impositio ipsi au. episcopis græci facta inter Græcos

(*) Tempore Zonaræ distincta fuisse videtur χειροτονία a χειροθεσία, Act. XIV. 23. χειροτονήσαντες αὐτοῖς πρεσβυτέρους κατ' ἐκκλησίαν dicuntur Apostoli, χειροτονεῖν vero sensu generali creare, constituere, significat, sensu vero secundario pro ordinatione accipitur, docente Motta de jure Metrop. p. 8. Zonaras, χειροτονίαν, ita explicat: ὅτε τοῖς τῶν πόλεων πλῆθεσιν ἐξῆν, ἐκλέγεσθαι τὰς ἀρχιερεῖς, συνῆσαν τὰ πλῆθη. Καὶ οἱ μὲν τὸν δὲ ἡρᾶντο, οἱ δὲ τὸνδε ἵνα ἔν ἡ τῶν πλειόνων κρατῇ ψῆφος, λέγεται τέινων τὰς χεῖρας τὰς τὴν ἐπιλογὴν ποιημένους, καὶ διὰ τούτων ἀριθμεῖσθαι τὰς ἑκάστον ψηφίζομένους, καὶ τὸν παρὰ τῶν πλειόνων αἰρέμενον, εἰς τὴν ἀρχιερωσύνην προκρίνεσθαι. Ita Zonaras tempora determinat, quibus Civitates extensione manuum sacrorum praefectos eligebant.

cos cæteris paribus observato, sc. ordine legitimo tum ratione subordinationis, tum ratione consecrationis, legitima, inter Latinos illegitima esse potest.

§. 6.

Tertio Papa propensam testatur voluntatem in conferenda omni opera, ut *Græcorum res jam diu confusa ac perturbata ad pristinam sinceram doctrinam sanitatem reducantur. Confusas res Græcorum* jam diu esse ac valde perturbatas, in aprico est. Causæ confusionis vel ab injuria temporum vel a mutata imperii Græci forma, vel, hoc in casu maxime, ab abusibus longo abhinc tempore in S. Georgii ecclesia gliscentibus, quibus suffocandis impar est zelus Patriarchæ Constantinopolitani, remoti quippe & diversis collisionibus præpediti, vel ab ipsis Latinorum, qui Romanis partibus sunt addicti, cuneis sunt repetendæ. Dum *Cuneos* Latinorum Episcoporum nomino, non mihi deest ratio denominationis. Præ manibus habeo, MStam *Allegationem in jure circa Græcos*, ad Ill. Senatum datam a Cel. Dn. Comite Wrakien & Antonio a Montagnacco, Canonico, utroque Ser. Reip. Consultore. Supplex Senatum adit Civitas *Scardona*, quæ
mox

mox Turcis, mox Venetis, jam vero, fecus ac D. Büsching docet T. I. p. 1067. constanter Venetis subest, rogatum, ut pro 500. capitibus, templo publico privis, liceat exstruere templum, dum multi diem obeant absque debito sacramentorum usu. Petitio in se justa, & si tolerantiae jura bene capiantur, vix deneganda! At *cuncti* Cleri Latini in causa erant, ut denegaretur. Permisit templi fabricam a. 1713. Prætor Carolus Pisanus. Insequenti anno, nec non 1716. *Cuneus* accessit *Vidovichii* Episcopi, qui vetuit. Supervenit anno 1746. *Cuneus* Episcopi *Bragadini*, qui denuo ad amissum Decreti Ducalis a. 1714. libere vetuit. Supplices iterum rogitarunt Græci familiis 66. constantes, ut publica æde gaudeant. Meliorisne, dicunt, conditionis sint Græci, quam subditi tum Austriaco scepro, tam aliis Principibus? An suspensio tanti beneficii Venetos commercii Illyrici flore privet? Quid tum, si Vicarium eligamus, a Latinis sejunctum, qui sacra nobis impertiat? Alii Principes Schismatis Græci æque sunt curiosi? Hæccene exceptio, hiccine *cuneus* Græcos ad Turcas adigat? Principium *allegationis* supra dictæ, omnes *Græcos*, vere Catholicos, qui com-

munionem habeant cum ecclesia Latina, qui in Diocesi Episcoporum Latinorum versentur, obstrictos esse ad obsequium Episcopo Latino in rebus spiritualibus & divinis præstandum, labricum est, & eo infuratur, quod Græci in civitate quidem, non vero in ecclesia Romana sint, adeoque non nisi Principi in rebus civilibus, non vero Episcopis in rebus ecclesiasticis subsint? Sed hic Cuneus natales debet Bullæ Pii IV. d. 16. Febr. 1564. hujus Papæ 74. qui Bullas Clementis VII. & Leonis X. Græcis nimis benevolas, revocavit. Hic quippe Cuneus est ille, ut Monarcha ait, faux zele, qui dépeuple les provinces. Quid sibi vult principium hoc, in Veneta Republica, Patriarchæ Romano subjecta, nunquam fuisse toleratum exercitium Ritus Schismatici publicum? Sed cur alii tolerant? Cur Austriaci tolerant? Vid. Diploma d. 20. Febr. 1751. Cur Thusci Liburni tolerant? Sapientissimam Exc. Dni Grimani mentem in superiore jam diff. expressimus. Præponatur ecclesiæ Slavicæ caput bonæ indolis, quod consilium inde ab a. 1722. jam meditantur Veneti. Aut igitur superandi erunt hi Cunei, aut miserrimus erit Status ecclesiarum non minus, quam politiæ Illyricæ. Natura

ra Græcæ plebis, inter Turcas minus excultæ, ad multa flagitia sponte incitatur, id quod non religioni in se, sed ipsi flagitiosorum naturæ tribuendum, uti enim superstitio fere omnes religiones eisque addictos pervasit, ita & Græcam religionem læsit, quæ alumnos habet, misera superstitione laborantes. Multa quippe habent sana dogmata, quæ vero artibus Romanorum ita sunt depravata in nonnullis Græcis, (quis enim corruptionem toti cuidam cœtui tribuat?) ut schismæ ecclesiæ Græcæ ex ipsis fere moliminibus Latinorum sit exortum. (*) Inter Turcas commorantes omni fere occasione excolendi literas destituuntur, ademptum tam antiquæ Nationi imperium dolent, antiquitatem Nationis venerantur, sic certe omnia jacent confusa, nisi Princeps, cujus terras incolunt, manum afferat opitulanti. At cum plerique Principes, in quorum terris versantur, sint Catholico - Romani; medela
apud

(*) Quam vellem, in lucem prodeat *historia pragmatica ecclesiæ Græcæ* Episcopi Atheniensis *Meletii*, qui omnia hæc molimina ad A. 1720. usque persequitur.

apud nonnullos non nisi catholica est, quam intimo corde respuunt. Sic recoctam crambem eis recoquere, idque ad palatum Curiae Romanae, hoc est, quod quam maxime averfantur. Propensa itaque sit Pontificis voluntas in curandis hisce malis, sed ubi vires? quis eum medicum advocavit? Graeca natio ab eo abhorret, Veneti subditorum saluti prospicientes, libertatibus singulorum student, quae laus reipublicae Venetae est propria. Gracus quidam, Vir summæ eruditionis & magni usus tum bellici tum civilis, obsequio meo & amicitia dignissimus, D. C. D. ut ex literis accepi, Apologiam pro Gracis contra Latinos meditatur, quæ ex penu tanti Viri profecta erit quam limatissima. *Lambertinus Papa*, magnus ille inter Pontifices *Benedictus XIV.* studii certe nihil intermisit, ut Gracos ad bonam frugem reduceret, at, perspecta rei difficultate ab isto proposito abstinuit. Pergit *Clemens XIII.* & Orientem respicit, potiora ecclesiae, quoad ejus fieri potest, amplificaturus. Sed quonam eventu? Si vel eo rem adigat, ut *Facea* munere extrudatur, mens tamen Gracorum semper erit eadem.

§. 7.

Quartum objectionis caput est ignominia, quam Papa in Venetos redundaturam suspicatur ex inquinata pietate & religione. Ardua est quaestio ex principiis juris ecclesiastici universalis determinanda, an Principi Catholico in terris Catholicis jus sit, secus sentientes non quidem plenaria civitate donandi, sed saltem in status suos recipiendi, concessio eisdem vel publico vel semipublico vel minus quam semipublico, aliquali tamen cultu. Pertinet id ad jura Majestatis, quæ tangere nefas est. Ejus enim, penes quem majestas residet, est dispicere, quid e re publica sit. Quod si secus sentientes rem publicam augeant & amplificent, (*) Principis Catholici est, eos ex capite

(*) Sic in Actis Græcæ Nationis MSctis constat, quantum rem Venetorum publicam augeant & amplificent Græci, *tanta suddita gente*, dicit Archimandrita *Milovich*, (qui, sacerdotem scandalosum & carnis illecebras sectaturum, ab officio pro facultate remoturus, publico carcere, en spiritum a tolerantia alienum! fuit mulatus) *che sempre è la prima vittima a spargere con valore il suo sangue*, i. e. tot subditi, qui prima semper sunt victima, quæ

pite sanæ politicæ tolerare, quod iudicium cum
 subditorum foro non sit permiffum, qui Majefta-
 tem non habent, nec eorum est, hac de toleran-
 tia torvis uti oculis. Deduco id ex principiis ge-
 neralibus. Germaniæ enim casus toto cœlo diver-
 fus est, ubi pax Westphalica tolerantiam hanc
 certis religionibus adfirinxit. *Religio itaque domi-*
nans in se tolerantia civili non inquinatur, nec
 ejus jura infringuntur. Prævalere *perverforum co-*
natus contra Dei legem, altioris est indaginis.
Roma semper in more fuit positum, vellicare au-
 thoritatem Principum viis quam maxime rectis &
 obliquis, cum Marte aperto frontem opponere
 non sit consilii. Conatus *perverforum* re bene
 ponderata in *Venetos Senatores* dicuntur, qui de
 Capite Græcis præponendo cogitarunt, quod quam
 injurium sit, quisque facile vider. Nec datur lex
 Dei

fortiter sanguinem pro patria spargit. Acta
 hæc penes me extant, nec fucum facio.
 Titulus eorum est: *Suppliche dell' Archimandrita e Teodoro Milovich, presentata all' Ecce-*
Conf. di X. 1760. Itane Carcer modus est
 augendi rem & causam publicam? Plura
 dicere nolo, sed possem nominare Episcopos.

Dei scripta universalis, quæ omnem secus sentientium veret tolerantiam. Israëlitæ populum Dei peculiarem alia sacra in terra sua haud habuisse, non est hujus loci, inter quos Theocratia & promissi Messia respectus terræ aliam faciem præbebat. Grave est in jure ecclesiastico Catholicorum argumentum de Unitate institutionis Catholicæ. Hæc enim ipsis nota fere essentialis est ecclesiæ, quam nos negamus, Thummiusque nostras in Synopsi præcip. art. fid. p. 463. fictæ huic unitati regni diabolici unitatem opponit ex Luc. XI. 18. Quæ comparatio non nisi instantiæ locum habet, & violenti nonnihil aut certe odiosi secum fert. Generalissime loquendo Unitas est vel voluntaria vel non voluntaria, illam in ecclesiâ Catholica non esse, in propatulo est. Unitas enim in Capite visibili solo non est veri nominis Unitas, cum mēbra & inter se & contra Caput faviant. Unitas itaque etiam datur invitorum, quo Cap. XIII. Apocalypseos pertinet. Odiosam verò esse hanc Veneris factam objectionem, ex eo patet, quia stylo Romano non nisi illi unitatem ecclesiæ convellere dicuntur, qui ab ea se avellunt, id quod de Protestantibus efferunt, quos hæreti-

cos vocat Papa. Acerba itaque est objectio, prævalere conatus perversorum contra catholicæ institutionis unitatem, quam Veneti jure ægre ferre debent. Græci enim, qui dudum ab ecclesia Romana fuerunt separati, unitatem convellere dici nequeunt, quam nunquam acceperunt. Sic luditur ambiguitatibus quam maxime odiosis. Quæ de apostolica auctoritate monet Papa, eam frustra obtendit in re, quæ sui fori non est, & ad jura Principum majestatica pertinet. Nam Principis est, dispicere, quænam personæ religiosæ conveniant eos, qui diversæ & nonnisi toleratæ religionis sunt. Principis est, præcipere, ut se vel nescio vel invito in provincias non immittantur, qua de re bene præcepit Franc. *Diedo*, *Dalmatia* pro Venetis prætor in literis publicis a. 1759. in Actis MS. Sed Principis non est interna jura & sacra religionis toleratæ turbare vel violare.

§. 8.

Provocat Papa ad monumenta ecclesiæ Venetæ typis edita. *Flaminius* quippe *Cornelius*, Vir Senatorius, monumenta ecclesiæ Venetæ ex ipsis Archivis protulit, qui in hoc genere præstantissimus est. Fatetur ille, templum S. Georgii immediate

Sedi

Sedi Romanæ fuisse subjectum, licet alio fine, ac jam intendit Curia Romana. Quod cum factum sit historicum, ex fide scriptorum est dijudicandum, habemus vero MSctam pro Græcis apologiam Patricii cujusdam, Abb. Petri Antonii *Muzz-zi*, qui prorsus negat, fundatores hujus ecclesiæ unquam fuisse Græcos unitos. Posito vero, hanc sacram ædem ab Unitis fuisse extructam, quod autem a vero ex ea quoque ratione abludit, quia Græcorum nemo, qui in hoc cœtu sacra faciunt, Inquisitionis Tribunali est obnoxius, (*) obnoxiiis Catholicis omnibus, posito, inquam, non concesso hoc casu quæritur, an reliquæ Græcorum ecclesiæ hinc inde extructæ una cum templo Venetiis exstructo, eidem se submiserint potestati, quod falsum esse, in priori diff. demonstravi. Facta historica, ad quæ provocat Papa, luce sua privari nequeunt. Exstant Decemvirales sanctiones a.

1534.

(*) Verba Decreti *Petri Lauredani* a. 1569. ita fluunt: *Omni operam date* (scribit vero *Duci Cretæ*) *ne ab isto Inquisitionis tribunali Novationes introducantur, quæ plerumque scandala pariunt, & perturbationes, maxime vero, ne ab hoc Tribunali Græcis molestia inferatur.*

1534. & 1542. quibus cautum est, ut ad regendam ecclesiam Græcam Viri duntaxat, Catholico Patriarchæ adprobati, adsciscerentur. At vero Græci sano sensu Catholicos se dicunt, non vero Romano - Catholicos, licet itaque sint Catholici, non tamen sunt uniti. At id mali in hac re observamus, Latinos Episcopos inde ab antiquo ævo Græcos subinde vellicasse. Jam a. 1578. Candia Archiepiscopus Græcos ad professionem fidei Romanæ voluit adigere, a Principe Veneto minis ideo atque increpationibus ad obsequium revocatus, ne Græcorum libertatem conscientia turbet. (*)

Quid?

(*) Præ manibus habeo ex ipsis Actis has Ducis *Nicolai da Ponte* literas publicas, ex quibus patet, quam male Græcos habeat Clerus Latinus. Prohibuit tum temporis Archiepiscopus 1) ne quis sacerdotalem dignitatem suscipiat, nisi subscriptione recipiat Ritus ecclesiæ Romanæ; 2) ne quis verbum divinum prædicet in templis Græcis absque prævia concessione Episcopi Latini, a quo & Thema debeat repetere. 3) Voluit, ut subscribant scripto, cujus argumentum nesciunt. Nonne sic tota res Græcorum misere debet collabi, non sua sed Latinorum culpa?

Quid? quod nemo fere Principum est, qui Græcis ita consuluit, ut Veneti, qui a. 1569. legem fundamentalem Græcis concesserunt, legem inquam Decemviralem, qua permittitur Græcis, ut libere & in Ritu & in antiquis opinionibus vivant, nec a Tribunali Inquisitionis unquam perturbentur. Si in tanta Patriçiorum multitudine pro sentiendi diversitate nonnulli principia Romana foveant & Græcos sustineant Romanis subjicere, mediis tum lenioribus & indirectis, tum directis, id non omnibus, id non Spiritui & Animæ Senatorum Republicanæ tribui potest. Alia tempora alias leges poscunt, & penes legislatorem est, dispicere, ne vi legislativa aliquid detrimenti capiat respublica. Quod si Principes Catholici e re sua esse judicant, Patriarchas terris suis præponere Catholicos, ut inter Lusitanos, in Indiis, Venetiis, factum, quid obstat, quo minus & Græcis Caput præponi queat, cum Summo Imperio conspirans. Quid id ad Romanos pertinet? Nihil sane. Cum Facea *lupus* vocatur, quem *Veneti in ovile Christi inducant*, si *altare profanum erigere*, si cathedram erroris & pestilentie constitutare dicuntur, id profecto ab omni caritate alienum est, inque Venetos injurium.

Pro-

Provocat denique ad Ezech. c. XXXIII. 6. de speculatore gladium vidente venientem. Speculator est, qui jure speculandi gaudet. Qui vero hoc jure destituitur, speculatorem se aliis obtrudit. Gaudet enim in eos, qui sibi sunt subiecti, non gaudet in eos, qui extra ecclesiam. Quid ad me, qui foris? Quantumvis itaque noster casus sit complicatissimus, Græci tamen schismatici dici nequeunt. Refragatur ipse Muazzo, Catholicus, MScto cit. verbis, quæ Latine reddita ita fluunt: „*Nunquam ecclesia Latina eo delapsa est, ut exitiosum iniret consilium de Græcis in classem schismaticorum referendis, de excommunicandis ipsorum Patriarchis deque sententia juridice ferenda, non esse cum dictis Patriarchis communicandum, nec obedientiam & jura esse præstanda ipsorum gradui debita. Quin imo ipsi Summi Pontifices Græcos semper pro Catholicis habuere. Episcopos Orientis tanquam veros & legitimos Pastores agnoverunt. Leo X. Brevi ad Græcos mandato, eos tanquam Catholicos ad Concilium Tridentinum invitavit. Gregorius XIII. ipsis tanquam veris & legitimis Patriarchis Brevia & Legatos misit, quibus eos invitaret ad recipiendum Calendarium.*„ Papa itaque gaudet jure specula-

toris

toris in templa sui Patriarchatus, in alia vero templa origine tenus Græca eo non gaudet. (*)

§. 9.

Id primum Breve est, quod publici juris jam feceram. Profero nunc aliud, idque recentissimum, hujus anni 1763. ex quo mens Papæ clarius elucescit:

Dilectis Filiis Nobilibus Viris Duci & Reipublicæ
Venetiarum Clemens P. P. XIII.

Dilecti Filii Nobiles Viri salutem &c. Ubi
primum ad Nos allatum est factam a Senatu Venetiano

(*) Quam male, quam violenter procedat hoc speculatoris officium, ex Actis probō: Archiepiscopus Zara Græcum quendam sacerdotem, boni odoris, *trimestri carcere* eo voluit adigere, ut fidem Romanam profiteretur, Literasque Patentes ab eo acciperet. Ecce spiritum persecutionis, adhucdum redivivum! Officio sacerdotis intrusit alium quendam, sibi additum, *vita lubrica, dissoluta, socium perpetuum Latronum & prædonum.* Quem Græcorum non misereat? Sic certe ipsi Latini causa sunt perturbati ecclesiæ Græcæ status. Ne temere quid dicam, provoco ad scriptum: *Supplica presentata in Collegio li 4. Agosto 1760. dalli Deputati di Smocovich.*

stro Græcis isthic commorantibus potestatem eligendi aliquem in Episcopum eosque Sacerdotem quemdam nomine Facea, qui sacros Ordines in Schismate susceperat futurum Episcopum designasse, zelo Domus Dei vehementer exarsimus, atque ea qua erga istam Patriam nostram, ejusque Clarissimos Cives incendimur Caritate, commoti cum Dilecto Filio Nob. Viro Equite Hieronimo Ascanio Justiniano Vestro apud Nos, & Apostolicam Sedem oratore, graviter ea de re conquesti sumus, & Senatui etiam Litteras dedimus quibus palam fecimus, quanta nos ceperit admiratio, cum vestram Rempublicam videremus ab ea sententia descivisse, in qua nullo non tempore Majores vestri constantissime permanserant. Illi enim in Ecclesia Sancti Georgii, quæ in Inclita vestra Venetiarum Urbe Pontificia auctoritate fuit erecta subiectaque immediatæ Apostolicæ sedi, puritatem Catholicæ Fidei servari voluerant semper incolumem, & necessariam cum Ecclesia Romana communionem retineri; eandemque Ecclesiam a Catholicis Capellanis gubernari, quos vel Apostolicus Nuncius, vel Patriarcha Venetiarum ad normam originariæ foundationis ut Catholicos probavisset,

viffet, quod cum ex vetuftioribus Decretis Anno 1534. & 1542. tum ex recentioribus a Veftro Senatu editis Anno 1720. & 1721. luculentiffime apparet. Ad has litteras nostras refponfum quidem tulimus die 22. Martii fuperioris Anni, in quo non omnino Paftoralis follicitudo noftra potuit conquiefcere. Illud enim maxime defiderabamus, ut confeflim omne periculum amoveretur, in quo Catholicam Ecclefiam verfari videbamus, ne in eam Epifcopus Schismaticus fe fe intruderet. Sed tamen nonnihil animo Noftro tranquillitatis attulit data Nobis Senatus nomine fides, nunquam fore, ut a Majorum fuorum fententia recederet, tum etiam ipfius, quem Græci Epifcopum elegerant, agendi ratio, qui poftquam fufcepto prætenfæ confecrationis munere Venerias rediit, nullam unquam Epifcopalem jurisdictionem in Græcos fibi ufurpaverat. Ea-igitur fpe nobis injecta falfo huic Paftori, a Senatus religione, & fide cohibito, nunquam futuram in Jefu Chrifti ovile introeundi copiam, ut veneno fuo illius Gregis oves inficeret, patienter opportunum tempus expectandum exiftimavimus, dum validiora, & Reipublicæ veftræ rationibus apta adhiberi poffent remedia, quæ om-

nino illi malo mederentur, quod in Ecclesiam S. Georgii eorum culpa & dubia fides invexerat, qui eam regunt & moderantur. Verum nullum, amplius silentio nostro relictum esse locum perspicimus, ac diutius si taceremus, summi Apostolatus a Christo Domino nobis commissi, proditores ipsi Nobis esse videremur. Ipsam quoque Patriam, quæ nobis carissima est, deserere & prodere existimaremur, si ab ejus gloriosissimis Civibus excitandis abstineremus, ut hujusmodi scandalum de medio tollant, quo tanta Veneto nomini macula inuratur, & Senatus religioni haud ita levis imponatur ignominia, si Populus schismaticum hominem videat Episcopum media in urbe Venetiarum, & in Catholicorum Ecclesia inter Græcos Reipublicæ subjectos se se jactare cum Episcopalibus insigniis, & eos, quos falso sibi subditos esse existimat, suo parere velit imperio. Quod spectaculum Nobilitatum vestrarum oculis, & omni Venetorum populo audax ille Presbyter Faccea superioribus diebus objecit. Episcopalibus enim indutus Insignibus solemniter & magna cum Pompa ad Ecclesiam S. Georgii se contulit, in Episcopali Cathedra affedit, & Clero, & Populo benedictio.

ditionem impertiit, sacris functionibus præfuit, ejusque præsentia polluta est illius sacri Templi sanctitas, & in crimen adducta eorum pietas & religio, qui cum eo in divinis communicaverant. Ita ne vero Senatus tantam abominationem ferendam existimaverit? An non in ejus animo flagrans retinendæ Orthodoxæ Fidei studium conscientiam illi momorderit? Itane illum præclaris Majorum suorum exemplis non commoveri? Quemquamne esse Venetiis, qui Schismati studeat? & in Summi Dei Templo prophanum Altare Baal locatum non illibenter videat? Vestrum profecto est, Dilecti Filii, Nobiles Viri tantum, tamque turpe scandalum amoliri, & occasionem omnem offensionis Catholicis Græcis impofterum amovere: vel enim gravissima se culpa obtrinxerint, si cum Episcopo Schismatico in divinis communicent, vel ab Ecclesia, ubi ille sacris operetur, debebunt quam longissime abesse. Neque Vos, Dilecti Filii, Nobiles Viri, in errorem adducat jactata superiorum temporum consuetudo. Probe enim nostis, semper adversus eam consuetudinem reclamasse Apostolicam sedem: Nostis quanta subinde scandala extiterint, quibus Senatus commotus

veteres Leges gravioribus Decretis in pristinum revocavit. Venetiis igitur, Urbe Religione, veræque pietatis studio inclyta Schisma in Ecclesia S. Georgii exultare, & hæresim propemodum triumphare nullo modo ferre possumus. Si qua vero ratio sit, qua inter Græcos caritas & pax constabiliri posse videatur, nobisque clare demonstrentur mala, quæ modo urgent, & quibus tandem remediis sanare possint, Nos eadem remedia ut adhibeantur, enixe operam dabimus; modo tamen Catholica communio fervetur incolumis, longe absit schisma, & Facea schismaticus homo, & in schismate a Schismaticis Presbyter ordinatus, ab ea obedientia, quæ debetur Romano Pontifici alienissimus, & hæresibus, erroribusque Græcorum foede imbutus longissime ab ecclesia arceatur. Alioquin auctoritas, quam a Christo Domino accepimus, ut Christiani Gregis oves ab ingruentibus lupis tueamur, adhibenda tandem nobis erit, & Catholicis Græcis cogemur edicere, ne in divinis cum sæpe memorato Pseudo Episcopo Facea communicent, si schismatis nolint participes fieri, & a Catholica Religione sejungi. Verum ipsi Vos, Dilecti Filii, Nobiles Viri, ad hoc malum sanandum

dum manum admoveatis oportet. Vestra laus semper fuit prudentiæ, sapientiæque summa & præcipua, nec dubitandum, si modo hujus virtutis nervos intendatis, quin rationem reperiatis Reipublicæ liberandæ ex iis incommodis, quæ a Græcis, non illis quidem Catholicis, Ecclesiæque simul, & Reipublicæ fidelissimis, sed a Schismaticis, & nullius Fidei hominibus illi evenere, & satisfaciendi veræ pietatis officio, cui profecto deesse videamini, nisi tantam inclitæ Reipublicæ vestræ hærentem labem, & maculam eruatis. Quam quidem vos propediem abstersuros in Domino confidimus, vestra potissimum freti Religione, & sapientia, Vestrasque Nobilitates obtestamur, & obsecramus, ut ab hoc gravissimo negotio oculos ne dejiciatis, dum sædum ulcus hujusmodi omnino sanetur, & cicatrix illi solide abducatur, ne forte, dum consanuisse videatur, imposterum recrudescat. Denique Nobilitatibus Vestris, quas eximia caritatis paterno quodam sensu complectimur, Apostolicam benedictionem permanenter impertimur.

Datum Romæ &c. die 22. Januarii 1763. Pontificatus nostri Anno quinto.

M. Angelus Jacomellus Secr.



Demonstrat 1) exarsisse se zelo domus Dei, quod *Facea*, qui sacros ordines in schismate receperit, Græcis fuerit concessus. 2) Repetit jura Curiae in templum *S. Georgii* jam superius allata, nec hactenus novi quid addit, quod in priori Brevi non dixerit. Venetis aliud decretum Decemvirale opponit a 1721. 3) Literis a republica acceptis considerasse se commonstrat, ut confestim omne periculum amoveretur. 4) Acquievisse se fide a Venetis data, nunquam fore, ut a sententia majorum recedant, & ipsius Episcopi agendi ratione permotum, qui suscepta consecratione ab omni jurisdictione Episcopali abstinerit. 5) Jam vero silentio locum amplius haud esse, cum *Facea* episcopalibus indutus insignibus sollemniter & magna cum pompa ad ecclesiam *S. Georgii* se contulit, in Cathedra episcopali confedit, & Clero & populo benedictionem impertiit, sacris functionibus praefuit, sicque sanctitatem templi polluit, reliquorum vero pietatem & religionem in discrimen adduxit. 6) Pungit conscientiam Venetorum, schismaticum hominem ferentium, offert sua consilia ad mala sananda, minatur, se iri coactum, Græcis Catholicis edicere, ne in divinis cum *Facea*

ecce communicent, nisi a catholica religione velint
sejungi.

§. 10.

De binis capitibus primo & secundo loco al-
latis jam satis, quod est, dixi. Ex fide tamen
actorum debeo addere, *zelum domus Dei*, quo ex-
ardet Papa Clemens XIII. non fuisse zelum Episco-
porum Illyricorum. Prætor enim *Mocenicus* in
publicis ad Senatum literis Cal. Martii A. 1720.
(in Act. n. 8.) eam nobis hujus *zeli* faciem fiftit,
quæ lacrymas exciter. Ita enim ille: *E ben degna*
di lagrime la maniera con cui procede la spiritual
direzione ne' Greci sudditi, i. e. Lacrymas excitat
modus, quo incedit spiritualis Græcorum subdito-
rum directio. *Li Sacerdoti Greci si fanno in certa*
maniera dipendenti da Prelati esteri, ed il Denaro,
che tributano probabilmente per ricevere gli ordini
sacri, passa non solo, mà rimane in alieni stati,
i. e. Græcorum Sacerdotes quodammodo Prælati
exteris se subjiciunt, nummique, quos probabili
ratione pro ordinum sacrorum collatione erogant,
in alienas transfunduntur ditiones. Si *zelus* hic cul-
pas Græcorum proferat, refutat eas *Mocenicus*; *Le*
vante colpe, che vengono rifacciate da Prelati Latini

*a Greci, quali li accusano di ribattezzare i Latini prima di unirsi a Greci in matrimonio, di rader loro la pelle del fronte - - sono imposture, che da più e più anni si disseminano da nostri Prelati, l'animosità de' quali esclude intieramente quella dissimulazione, che sola potrebbe promuovere il progresso a dogmi della vera fede. i. e. Tot culpæ, quorum arguuntur Græci a Præsulibus Latinis, rebaptizare eos Latinos, antequam matrimonium cum Græcis in-
eant, radere ipsis frontem - - fraudes sunt, a nostris Prælatiis sparsæ, quorum effervescencia ab omni dissimulatione aliena est, quæ sola, veram fidem posset promovere. Quando i loro cuori zelassero veramente alla salute dell' anime, cercerebbero di non dar mano a certe animosità che sconcertano. - - Il maggior male io credo, che nasca dal vedersi da certo tempo collocati nella Sede Episcopale della Provincia alcuni del Collegio della Romagna. i. e. Si animi ipsorum zelo animarum vere exardescerent, a modis violentis qui perturbant, non fanant, abstinere. Maximum malum, credo equidem, inde nascitur, quod sedibus hisce Episcopalibus interdum Collegii Romani Alumni immittantur. Conf. Dispaccio scritto al Senato - 1720.*

da xara da - Mocenigo. Sed ut melius pateat, cu-
jusnam generis sit iste zelus, affero documentum,
quod in Actis n. 9. extat. Est illud Epistola ad
Principem Venetum, quæ ita fluit: „Repugnant
paupertati & conscientiæ meæ, Theodosii, Abba-
tis Monasterii Krupensis, & meæ Stephani, Vica-
rii Conventus Kerkenfis, Græci Ritus in Dalmati-
na Provincia, Serenissimi Nostri Principis subdito-
rum & fervorum, injuriæ illæ, quas perpetuo a
Præsulibus Latinis perferimus, contempta publica
benevolentia toties publice in tot Decretis expres-
sa, quæ liberos nos volunt tum in spiritualibus
nostris exercitiis consuetudinibusque antiquis, tum
a quacunque molestia & obstaculo. Zelus eos ni-
mis fervidus animat ad augendas nostras misérias,
putantque, sine ipsorum forsan nimis molestis vi-
sitationibus, literis Patentibus, & sine præten-
sa fidei professione, nos Catholicos esse non posse ne-
que Apostolicos & Orthodoxos, id quod tamen
publice symbolo nostro profitemur *effuso* etiam
nostro *sanguine*, ut subditos decet obsequiosissi-
mos & ex religionis & ex obedientiæ capite.
Tristis nos angit memoria injuriarum, quas ante
aliquod tempus a Præsulibus *Balbio & Ursino No-*

na Episcopis, & Bragadino Scardonæ Præfule per-
tulimus, quæ nos ad publicam hancce epistolam
adigunt, qua piam pro infaustis subditis invocamus
clementiam, qui semper inter præterita & futura
mala trepidant. Duo priores Balbius scilicet &
Ursinus Nonæ Episcopi, epistolis suis annun-
ciarunt, proxime se Conventum (Kruppen-
sem esse visitaturos, ut nos præpararemus, quo
honorificentius eos exciperemus. Supplicavimus,
interpellavimus, jura nostræ ecclesiæ demonstravi-
mus, illi vero Equitibus stipati comparebant, *mili-
tari manu* visitationem extorsuri, qua ex re &
perturbati sunt Calogerorum animi & maximum
inde Conventui damnum enatum. Multi Sacer-
dotes, ut violentiam effugerent, in Austriacorum
fines se receperunt, noctuque ignoti redierunt,
exploraturi rerum suarum faciem, interdiu vero
in illa montium juga se abdiderunt. Reliqui enim
carceribus intrusi, Jaderamque perducti, ubi tan-
quam maximorum facinorum rei *tatenis* onerati,
per trimestre *triremibus* fuerunt addicti, ex qui-
bus tandem via opportuna libertatem recuperarunt.
Posterior vero Scardonæ Episcopus Kerkenſe cœ-
nobium bis convenire sustinuit, cum magna se-
qua-

quacium copia & cum 12. militibus armatis, qui, nudato gladio, feroces in Cœnobium irrumpebant, sed &, quod nunquam fuit auditum, temeritate quadam execranda ad Sancta Sanctorum usque pervaserunt, profanatis hac ratione locis nostris sanctissimis. Acerbo hoc casu occubuit Abb. Moses, toleratis injuriis gravissimis, & triremium pœna trimestri, & minis aliarum pœnarum quam is acerbissimarum, postquam triremibus jam fuit solutus. Alter etiam Abbas Pacumius, qui terrore percussus ad Austriacos transiit, post multos vero menses redux, Kniniæ fuit detentus, & felonix reus, & ipse triremibus fuit addictus, condemnatus postea ad captivitatem 18. mensium, ex qua tandem viis opportunis se liberavit. Sic injuriæ, violentiæ, opprobria, quæ ex hoc Præfulum zelo fluunt, Cœnobio premunt, Sacerdotes premunt, fideles premunt. Optime nobis publica charitas consulit. abrogato quodam Decreto, ante aliquod tempus publice impresso, quod nobis tres conditiones easque intolerabiles injunxit, Visitationem sc. Literas ab Epp. Latt. patentes, fideique professionem. Quæ tria Capita cum fortissima deprehendere queant præsidia, ad pedes Serenissimi Nostri

Prin-



Principis prostrati supplicamus, ut pro pietate erga subditos. misérias nostras provido Decreto levet, quod nos a prætensa jurisdictione, a conditionibus prædictis, ab injuriis liberet, quæ orthodoxiæ nostræ inferuntur, nostroque obsequio, quod constanter & quovis tempore in Clementissimum Nostrum Principem servamus, a quo Libertatem auxilii petitam exspectamus. V. *Supplicata presentata in Collegio. li 26. Agosto 1760.* En exactiones Cleri Latini! *Cum suspiriis & singultibus præteritam benevolam sortem sibi in mentem revocant, qua, Pratore Exc. Francisco Grimanio fuerant usi, qui molestias eorum sanavit, quas consilia inimicorum male sana ipsis intulerant.* V. in Act. n. 13. quæ verba sunt formalia.

§. II.

Sperasse se, Papa tertio loco profitetur, confestim advolaturam esse Rempublicam ad omne amovendum periculum. At cum periculum in mora non esset, Respublica ea facie rem reliquit, qua prius erat. Non enim tam levi animo in id consilii descendit, ut Caput Græcis daret. Contra dignitatem enim Summi Imperantis ageret, qui quæ semel pro Majestate statuit, ea statim anti-

antiquaret. Quem tolerat Princeps, non temere tolerat. Tolerantia ideo religionum bene dividitur in civilem & ecclesiasticam, (*) illa vero est vel plena vel restricta. Plena gaudere Græcos Venetiis, apparet ex plena relatione ad politiam tum quoad jura tum quoad privilegia. Plena gaudere ecclesiastica, ex publico cultu cum annexis patet. Restrictam eam esse Papa affirmat, qui tolerandos eos negat, nisi Romanam fidem profitentes. An tolerantia hæc ex lege ipsis debeatur a Principe lata, quæstio est altioris sphaeræ, & jam supra attulimus legem religiosam, quæ libertates Græcorum munit. *Gratiosa* itaque ideo poterit appellari, quia ex gratia principis sacrorum faciendorum jus habent, adeoque & *privilegiata*, quo

(*) Conf. b. Pfaffii *diff. de zizaniis non evellendis*, qui de tolerantia hac ad statum Germaniæ applicabili multa eaque gravia affert argumenta contra Bannizam. Conf. etiam Auctor libri Gallici: *Liberté de conscience, référée dans des legitimes bornes*. T.III. Londres 1754. cujus vero principia hinc inde lubrica sunt, adeoque cum grano salis legenda.

quo Privilegio Germani Protestantes Rhætique (*) Reformati carent, quibus exercitium non nisi domesticum fuit indultum. Jam cum Græci lege Veneta Episcopum sibi elegerint, lex maturis scrutiis ponderata, confestim revocanda non erat, ne altera manu Græcis auferretur, quod altera fuit datum. Præscindo equidem a persona.

§. 12.

Quartum & quintum argumentum Venetis obiectum in fide a Venetis data versatur, nunquam fore, ut a sententia majorum recedant. Id vero est, de quo minime agebatur. In quæstione de jure Principis *tolerandi dissentientes* non quæritur, quid ipse sentiat, potest enim religioni utrivis esse addictus vel Catholicæ vel Protestantium, sed quæritur, an jus penes eum resideat, tolerandi heterodoxos, qui publica emolumenta juvant, id quod negari nequit. (*) Nam licet falsa sit the-
sis,

(*) Qui ex sola urbe Veneta ad suos ex lucro annuo referant 40. amplius millia aureorum.

(*) Fuerunt Græci, ritus maxime Slavici, qui præteritis bellis multum Venetos juverunt. Hinc & a. 1718. Dux *Cornelius* incolis Castelli Novi (Castel nuovo) indulgit, che possano vivere

sis, crude propōita, cujus est regio, illius est religio, contra quam plura monet laud. Pfaffius l. c. p. 18. eo sensu tamen vera est, cujus est regio, adeoque qui jure territoriali Majestatico gaudet, illius quoad tolerantiam etiam est religio. Et quid de jure reformandi sentiat Pfaffius, p. 19. ostendit, cavere sc. secundum illud Principem, inspectione generali, ne in ecclesia, quæ sub ipsius ditione est, agatur quicquam, quod salutis publicæ sit contrarium. Jam cum in ecclesia Græca, fatente Papa, omnia fuerint quam maxime perturbata, Principis erat dispicere, ne ex ea confusione reipublicæ detrimenti quid subnascat, id quod religioni dominanti ne hilum quidem detrahit. *Quinto* capite id Papam quam maxime ferit, quod Facea festis Natalibus prioris anni episcopalibus indutus insignibus solenniter & magna cum

vivere nel loro Rito Greco Slaviano come sono ad ora vissuti, senza esser da chi si sia molestati, potendo anche restaurare le loro chiese e monasterii, i. e. ut in Ritu Græco Slavico libere possint vivere, quo adhuc vivere, nulla ipsis illata molestia, restauratis etiam templis & monasteriis, in Actis n. 15.

cum pompa ad ecclesiam S. Georgii se contulerit, in cathedra Episcopali confederit, Episcopumque se vere gesserit. An templi sanctitas eo actu fuerit polluta, dubia est quaestio, quam si absolute consideraveris, ex doctrina Protestantium negaveris, si respective, ex jure Canonico judicium fieri debet, adéoque huc omnes effectus quadrant, quos jus Canonicum de Sanctitate templi inhæstiva refert. Neque in primitiva ecclesia de templorum sanctitate aliquid fuit somniatum, in qua ne templa quidem fuerunt, quæ sequioribus demum sæculis originem debent, hinc & primis ecclesiæ sæculis dogma hoc de singulari templorum sanctitate non inveneris, plura vero circa Constantini M. tempora. Conf. Boehmeri I. P. Sect. V. c. 1. §. 3. Religionem vero dominantem in discrimen adduci, nam & hoc veretur Papa, formido est superflua, cujus jura extra teli jactum sunt posita. Omnia enim ad quaestionem de jure tolerandi diffencientes reducuntur, quod ad sapientiam Principis practicam & justitiam universalem pertinet. La sagesse pratique, inquit Cumberland in traité philos. des loix naturelles p. 410. consiste dans l'art de se proposer une fin ou un effer,

qui

qui soit naturellement digne de nos soins, & de choisir & appliquer ensuite convenablement les moyens, qui ont une efficace naturelle pour produire cet effet. La justice même, qu'on appelle universelle, ne signifie autre chose, qu'une volonté constante, parfaitement d'accord avec cette sorte de sagesse, qui se propose *le plus grand & le plus excellent de tous les effets, savoir le bien commun.*

§. 13.

Sextum caput est, quo conscientia Venetorum pungitur, ne schismaticum tolerant. *An non inquit Breve, in ejus (senatus) animo flagrans retinenda orthodoxa fidei studium conscientiam illi momorderit?* Sic quidem lenissima ratione Pastoris officio fungitur, & ad conscientiam Senatorum loquitur. An schismaticus in genere, schismatis forma legali convictus, schismatis, inquam, eo sensu intellecti, quod unitatem cum capite Romano non agnoscit, in Christiana Republica ferri possit, id ex jure summorum Imperantium debet derivari. *Noodtius de libertate conscientiae p. 109.* ex jure Naturæ solide demonstrat, nemini jus esse, alios ad

religionem adstringendi, quam non probant, aut ad abjurandam eam adigendi, quam bonam censent. *Non est opus vi & injuria, quia religio cogi non potest. Verbis potius, quam verberibus res agenda est, ut sic voluntas desstringatur.* Lactant. L. V. c. XIX. Conf. quam maxime Cel. Justi, in Natur und Wesen der Staaten Sect. IV. de legibus religionis §. 214. 215. ubi docet, quosvis cives religionis diversæ ex principiis suæ religionis deberi judicari, allegato memorabili Regis Borussiae Decreto. Ex principiis itaque generalibus Venetis jus est, schismaticum ferendi. Alia est judicandi methodus, an Individuum quoddam, v. gr. sit Facea Schismaticus, qui unitatem suæ ecclesiæ turbavit, quod judicium Græcis ipsis relinquo. Græcos vero Venetos omnes Schismaticos appellare, vix ferendum videtur Græcis. Tota enim ecclesia nunquam se Papæ submisit, qua per Venerum dominium patet. Nec sunt ex numero unitorum quod & inde apparet, in Missæ solennibus Papæ nomen non commemorari. Multi quippe Græci, qui jam Venetiis morantur, ex Cypro & Creta eo pervenerunt: At vero uti in patria cum ecclesia Romana uniti haud erant, ita

nec adhucdum uniti dici queunt. (*) Negasi nequit, dari inter Græcos, uti inter omnes Nationes, lucri cupidos, qui Papæ partibus lucri spe facile se addicunt, si vero in patriam redeunt, antiquas recolunt opiniones. Pontifici Romano jus denegari nequit, Græcis Catholicis dicendi, ne in divinis cum *Facea* communicent, nisi a Catholica religione velint sejungi. Sed supponit Græcos Catholico-Romanos, quod vero negatur ab ipsis Græcis. In ipso templo factum quidem est, ut cum accederet *Facea* sacra factururus, nonnulli, qui ipsius non erant partium, communionem cum eo reformidarint, non vero ob fulmen Romanum, sed Constantinopolitanum: Hoc ad alterum Breve monendum censui.

§. 14.

Accedo nunc ad tertium.

Di-

(*) Quærat^{ur} ex illis, quid unionis eis cum ecclesia Romana intercesserit: unanimi consensu illi respondebunt cum omnibus *Cephalonia*, *Corcyra*, *Cythera* insulis, venerari se quidem in universali ecclesia Latinos, sed cum Latina ecclesia ne minimam quidem habere communionem. Muazzo l. c.

Dilectis Filiis, Nobilibus Viris, Duci & Reipublicæ Venetiarum.

Clemens P. P. XIII. Dilecti Filii, Nobiles Viri, Salutem & Apostolicam Benedictionem. Scripsimus ante hos tres menses Nobilitatibus vestris de Sacerdote illo Facea, quem sacris Ordinibus in Schismate initiatum, ac propterea ab omnibus Catholicorum Ecclesiis excludendum, absterrendumque, Græci isthic commorantes Episcopum sibi designarunt, & Populus Venetus universus in Catholica S. Georgii ecclesia Episcopalibus ornatum insignibus, vidit in Episcopali Cathedra confidere, sacris functionibus præesse, Populo Episcopalem benedictionem impertiri, quod quidem tam fœdum spectaculum sine magna offensione Catholici neque oculis cernere, nec animo tolerare potuerunt. Ex illo tempore magno adhuc sumus in desiderio literarum vestrarum, quibus expectandis integri longitudinem anni nobis videtur habere dies unus. Sed hujus desiderii stimulos retundebat illa cogitatio, vestro Senatui satis temporis dandum esse, quo ea prudentia, qua constat inter omnes, illum maxime excellere, apta rationibus vestræ Reipublicæ, & ad tollendum hoc malum

malum efficacissima consilia caperet. Luctus denique vester consequutus est, uno, ex Luminibus Civitatis, proxime extincto Duce Reipublicæ, animosque vestros in novo creando totos fuisse oportuit. Nunc vero cum ad Civem egregium amplissimis muneribus magna cum laude perfunctum, & haud ita pridem apud nos gravibus quibusdam vestris negotiis e sententia confectis de Patria optime meritum, Summo illo honore delato, vestræ Reipublicæ abunde satisfecisse videmini, urget nos Apostolici nostri Muneris ratio, ut postquam quisque vestrum, quod Patriæ debebatis officium, implevistis, nunc ad satisfaciendum Catholicæ Religionis cogitationes vestras denique revocemus. Summa vero hujus negotii & totius deliberationis vestræ huc tandem redit: videaturne Senatui schismaticum Sacerdotem Faceam isthic apud vos Episcopum in Ecclesia S. Georgii tolerari posse: deinde Catholicam nec ne illam Ecclesiam esse debere; & si quidem Catholica esse debeat, talemne habendam esse, dum omnis cum Apostolica Sede communionis expers, illius auctoritatem respuat, & aspernetur jurisdictionem; postremo Catholicosne censendos esse illius Ecclesiæ Cappellanos,

lanos, qui inani illius Pseudo Episcopi subjiciantur jurisdictioni; qui Romanæ Cathedræ auctoritatem ejusque in universa Ecclesia majestatem non recognoscant, qui nec probatam fidei formulam sint professi, nec apud Legitimos Superiores sic animi sui sensus aperuerint, ut certo constet eos sanam, & Catholicam Doctrinam sequi. Hæc, dilecti Filii, Nobiles Viri, & nobis unice Cari in hanc vestram deliberationem cadunt. Facit egregia sapientia vestra, & admiranda quædam in omnibus rebus Veneti Senatus prudentia, ut pro certo habeamus, si paululum ad hanc rem vestrum animum adjiciatis, vos illico perspecturos, quid Dei honor, quid vestra Religio, & in hanc sacram B. Petri Sedem præclara devotio, quid vestra dignitas, & Veneti Nominis splendor a vobis efflagitet; Deum in humilitate cordis nostri impensissima prece rogantes, ut in animos vestros injiciat ea consilia, quæ cum vestra congruant egregia religione & sapientia, & ad ea quam maturime capeffenda Divina Providentia Numine Suo permoveat. Vobis, Dilecti Filii, Nobiles Viri, omni pietatis erga carissimam patriam nostram, & in vos universos Paternæ Caritatis Sensu Apostolicam

licam Benedictionem permanenter impertimur.
Datum Romæ apud S. Mariam majorem sub an-
nulo Piscatoris die 30. Aprilis 1763. Pontificatus
nostri anno V.

Per trimestre expectavit Papa Venetorum re-
sponsum. At ingruente luctu publico, immortalis
Fuscarenæ vivis erepto, patriæ consulendum cen-
suere Patres conscripti. Jam electo Mocenigo in-
que thronum Ducalem suffecto curas de religione
Catholica revocat, & summam negotii & delibe-
rationis huc redire censet. 1. Videaturne Senatui,
Schismaticum sacerdotem Faceam ferri posse. Ner-
vum respondendi jam supra tetigimus. 2. Catho-
lica nec ne illa ecclesia esse debeat. Hoc arcem
causæ est tangere. Catholicam eam esse in ge-
nere, non nego, non vero Catholico-Romanam,
quia consuetudines Romanas sibi obtrudi nolunt
Græci. Si Catholicum non esse velit Senatus, to-
lerat cultum publicum a religione dominante dis-
sentientem, cum jure processionum, campanarum
monasteriorum, Lycei &c. Quod quid mali?
Quis Principi vitio vertat, fidem cujusdam Natio-
nis, toties mascule & fuso sanguine demonstra-
tam ita remunerari, ut cultu publico gaudeat re-

ligioso? Tum maxime, cum statum tantum abest, ut turbet, ut potius ad quietem internam multum conferat. Lubitavi ego quidem, an Graci cultum *adorationis* revera præstent Hostiæ per plateas circumgestatæ. At cubium mihi eximit cit. Muazzo, qui l. c. ita: *Hic, Venetiis, qui degunt Graci, Patavii vero Juvenes Studiosi in Latinorum templis sanctissimo sacrificio Altaris genu flexo cultum præstant, Missæ Latinorum, si desit Græcæ, auscultant, idem faciunt Graci ex Insulis Archipelagi prognati, Albania Dalmatiæque incole Graci, qui in Italia stipendia merentur. Porro in Latinorum templis exposito sacrificio, accurrunt. Quomodo itaque Graci negent, Latinos Sacramentum facere, dum id ADORANT.* Si Catholicam Romanam esse hanc ecclesiam concedit Senatus, Papa, quod vult, habet, tum jus Papale & Patriarchale & Nunciaturæ in eam exerceri jubebit. Quæ jura ecclesia Græca toto pectore deprecatur. Recte itaque argumentatur Breve: *Si Catholica esse debeat ecclesia, an talis habenda sit, dum omnis cum Romana sede communionis expers, illius auctoritatem respuat & aspernetur jurisdictionem?* Id vero non omne a Venetis pendet, sed ab ipsa Græ-

Græcorum indole, qui Conciliorum Canonibus insistant, & Patriarchatus inter se distinguunt. Armenii in ecclesia Orientali hæretici fere sunt, quos tamen Venetiis templo proprio & sacerdotibus contribulibus nunc non gaudere, in aprico est, sed penitus se ritibus ecclesiæ Romanæ conformant. Negari de cætero non poterit *incredibilis illa Pontificum indulgentia in hos, quos ex Græcis & reliquis Orientis Christianis adoptant filios. Nec enim tantum eos patiantur ritibus majorum a Romanorum ritu alienissimis rem divinam facere, docente Moshemio in H. E. Sec. XVI. p. 732. moribusque vivere inter Latinos invisis, verum etiam ne illa quidem dogmata, per quæ ab omnibus christianis sejuncti sunt, ex libris eorum publicis tolli jubent. (*) Satis bonus Romana ecclesia civis Græcus, Armenus, Coptus vulgo, nisi prorsus fallimur, Rome putatur, qui Supremum Antistitis Romani in universam Civitatem Christianam imperium in dubium haud revocavit, sed profitetur.* Quamvis igitur

(*) Quod fatetur ipse Præsul Affemanus, libros Armenorum Romæ impressos non satis ab erroribus Nationis esse purgatos.

igitur nonnulli Græci vel centies dicantur Latini-
zantes, auram Romanam Romæ captant, Asiati-
cam in Asia.

§. 15.

Tertio quærit Breve, *an Catholici sint cen-
sendi ejusdem ecclesie Capellani, qui Episcopi Faceæ
jurisdictioni subjiciantur, qui Romana Cathedra aucto-
ritatem ejusque in universa ecclesia majestatem
non recognoscant, qui nec probatam fidei formulam
sint professi, nec apud legitimos superiores sic animi
sui sensa aperuerint, ut certo constet, eos sanam &
catholicam doctrinam sequi.* Alio loco, in diff. de
stat. pr. eccles. Gr. in Dalm. §. 25. n. 60. jam
monui Græcos Latinos seu unitos quippe non nisi
symbolo Apostolico ac Concilio Florentino adstrin-
gi. At constat, quem exitum habuerit Synodus
Florentina, & quem virum se præstiterit Marcus
Epheſius, *cujus anima procul dubio quiescit in pace,*
docente Dn. D. Kiesling in hist. concert. Græc. &
Lat. de transubst. p. 212. Marcus quippe Ephe-
sius Constantinopolin redux Literis ad tres Orien-
tis Patriarchas scriptis eos admonuit, falsam in Sy-
nodo Florentina initam unionem validam non am-
plius esse habendam, quia Episcopi Græcorum
minis

minis & vi ad subscriptionem fuerint adacti. Quapropter nec *Leo Allatus* de consensione eccl. Græc. cum Lat. L. III. c. IV. nec *Pallavicinus* dissentur, tres hosce Patriarchas literas Synodales contra *Metrophanem* Patriarcham Constantinopolitanum & ipsum Imperatorem scripsisse, anathema denunciantes, nisi a firmanda hac unione desisteret. Demortuis vero tum Imperatore tum Patriarcha, Imperator *Constantinus Palæologus* in æde *Sophiæ* convocavit Synodum, qua Acta Henotica Concilii Florentini fuerant damnata, & unio Florentina prorsus abrogata. Puriores itaque Græci, qui religioni bene cupiunt, concilium hoc penitus averfantur, ut vel sola ejus recordatio odium excitet sempiternum. Quomodo genuini Græci Capellani huic unioni possunt adstipulari? Satius itaque est, eos suo abundare genio. Si quid enim mali in ecclesiam Græcam irrepsit, a Græcis Latinizantibus non vero orthodoxis & *Marci Ephesii* affectis erit derivandum. Et dic fodes, quis Græcos adigat, nisi animas venales lucri aperti spes, ut *Romanae Cathedræ* in universa ecclesia agnoscant Majestatem. Nec in hac re peccare Græcos, vel ipsi saniores Catholici agnoscent, qui a Majestate hac,

non

non nisi Regibus debita, ab omnibus Romanorum moliminibus immuni, intimo corde abhorrent. Pontifices quippe, qui olim publice se Reges & Sacerdotes gessere, (*) ne hodie quidem a Jure hoc regio avelli se patiuntur, quod si ad proprios Status restringatur, non est, cur simus justo morosiores, at si Majestatem ultra fines suburbicariæ Provinciæ extenderint, in qua origine tenus episcopalem quidem jurisdictionem, non vero Majestatem habuerunt, id ecclesiam, id principes, id probos omnes male habet. Quod vero Capellani Græci apud legitimos Superiores, Nuncium, Patriarcham &c. fidei formulam non sint professi, id petitio principii est & antiqua crambe vel millies recocta, quæ nunquam erit ad palatum Græcorum. Si olim unioni Florentinæ subscripsere, contra Synodum Constantinopolitanam imperante Constantino Palæologo coactam fecerunt, sed si male olim, an & nunc male facient Capellani,

(*) Vid. numus Papæ Julii III. in nova ed. Concilii Trid. Sarpiani, quæ inscriptionem habet: *D. Julius III. Reipublica Christiane Rex ac Pater.*

lani, quos habent, inter quos eruditus D. *Milia* obsequio & veneratione mea est dignissimus, cujus Catechismum nuperrime pro ecclesiis Græcis editum quam maxime commendo, ex quo mens hujus ecclesiæ in dogmatibus optime potest judicari. Romæ vero res ita censetur explorata, ut ne possibile quidem autument, confessionem hanc non fieri. Memini, me cum Abb. Colinello, viro erudito, meique amantissimo, Reginæ Hispaniarum viduæ a negotiis, Romæ colloquentem negare, neque Episcopum neque Capellanos hanc facturos esse professionem, cui asserto præsentibus Viris quam gravissimis constanter contradixit, dum literarum Venetarum fide eum ad oculum convicerim, rem aliter se habere, ac censebat.

§. 16.

Pertractatis controversiæ cum Sede Romana capitibus, demonstrandum est rei momentum, quod nullibi distinctius, quam in scripto explicatur, cui in Act. n. 22. titulus est: *Informazione degl' Illmi ed. Eccmi Sig. V. Savii alla Mercanzia in proposito di Greci 1751.* Quæritur in hac informatione, 1) an æqualis olim fuerit Navium & Incolarum ad Venetos confluxus; 2) quibusnam prærogativis
ratione

ratione commercii & Ritus fuerint usi, 3) quænam invitationes & commoda Græcis tum *Tergestri*, tum *Ancona* fuerint oblata; 4) quis invitationum harum fuerit fructus? Ex quæstionibus propositis jam patet, Græcos, conscientiæ libertate privos, aliorum vel ad Austriacos vel ad Anconitanos vel ad Liburnenses deflectere, id quod reipublicæ multum detrahit. Omnes olim Græci ex Caramania, Patmo, Morea ad Venetos confluebant: jam vero paucissimi eo tendunt, sed ad Tergestinos potius deflectunt, oleum maxime Græcum eo portantes, ubi singularibus gaudent prærogativis, Consule quippe, libero religionis exercitio, largitionibus, collectis pro æde sacra, ubi Episcopus Græcus resideat. His escis allecti Græci, qui Venetiis olim quadringentos amplius suffragantes in S. Georgii ecclesia habuerant, jam vix septuaginta habent. Id ad primam quæstionem responsi loco sufficiat. Secunda quæstio ita debet resolvi, ut ex historia demonstretur, quantum olim Veneti in Commercio Orientali reliquis præstiterint. Transiit illa gloria, cum publicis impensis naves mercatorias Constantinopolin, inque Ægypti & Syriæ litora mitterent. Expugnata a Græcis Constanti-

nopoly,

nòpoli, novum By-antium Græci Venetiis quære-
bant, referente Petro *Justiniano* in hist. L. VI. Eo
randem floris excrevit commercium cum Græcis,
ut invidiam moveret Papæ Julio II. qui funestam
contra Venetos movit unionem Europæ Principum.
At quia Venetiis tum temporis morabantur opu-
lentissimi, non toto inde positus est fructu Ju-
lius II. quem moliebatur, sed pergebant Græci,
apportare producta Orientis, efferre Venetorum
merces. Quo vero magis attraheret Græcos sibi-
que adjungeret peritus Venetorum Respublica,
vinculum liberi religionis exercitii addidit, per-
missa a. 1470. æde publica S. Blasii. Post Conci-
lii Florentini tempora frequentiores etiam conflu-
xere Græci, stipendia quoque publica S. Marci
merentes. Animum id addidit Græcis, ut ædem
publicam, propriis sumtibus exstruendam, S. Ge-
orgio sacram peterent, & a. 1511. obtinerent,
indulgentem etiam Leone X. Bulla a. 1514, (quo
tempore Lutherus nondum innotuerat,) ut & ædem
sacram excitarent, & Græcum sacerdotem sibi pro
lubitu eligerent, immunem a quovis Latinorum
molimine, solutis annuis 5. libris ceræ, quæ vero
nunquam fuerunt solutæ, id quod, ut Græcos
ad-

adliceret, a. 1521. omnibus Græcis indulgit, & Clemens VII. a. 1526. confirmavit. Mens animusque Papæ erat, insistere unioni Florentinæ, sicque Græcos ab omni suspitione liberos ad Catholicos advocare. Id e re Venetorum erat, qui lubenter consensere, ut a. 1527. primum sibi capellanum libere eligerent. Crescente Græcorum numero, a. 1534. duos sibi præficiebant capellanos. At serpente tum temporis per Helvetiam Reformatione caverunt tum Papæ tum Veneti, ne per Græcos Lutheranismus introducatur, ideoque edicto decemvirali sanxerant, ut Papæ Græcorum sint Catholici boni nominis, Nationique grati, Catholica vero orthodoxia aut a Patriarcha aut a Nuncio probetur. Quid gratius Papæ? Id erat Græcos, vel per indirectum Papæ subdere. At Græci restiterant constantissime, neque in sequentibus annis 180. ullum vestigium sive Examinis sive adprobationis exstat. Quin imo Græcorum Concilia tum Moldaviense tum Hierosolymitanum, quibus a Lutheri partibus sese secedere demonstrabant, Catholico - Romanis, quorum multa in illis pars erat, erant desideratissima. Accessit etiam indulgentia Pauli IV. qui denuo Græcorum disciplinam a juris-

jurisdictione Latinorum liberavit, quapropter & decreta Venetorum publica accedere. Conf. *Sarpis* discursus de Inquis. n. 25. Frequentiores indies confluebant Græci, ideoque a. 1578. facultas ipsis concessa, eligendi Episcopum, qui primus erat Celeberr. *Gabriel Severus*, cui Respublica dignitatem Archiepiscopi Philadelphiensis & stipendium 15. aureorum singulis mensibus addidit. Investituræ Bullas mittebat Patriarcha Constantinopolitanus, quibus Collegium auctoritatem assensu suo confirmavit. Inter hasce Bullas Patriarchales Bulla extat A. 1644. qua Archiepiscopus iste jus mitræ, jus Exarchæ seu Vicarii, jus dirimendi lites ecclesiasticas fuit adeptus. Ut vero rite ordinaretur, advocati sunt A. 1658. tres Græci Episcopi, qui Exarcham *Cortazzium* consecrarent, cui *Tipaldus* successit, vir Græcæ Nationi quam maxime periculosus & Papalis auræ clandestinus assertor & afflecla, qui non nisi a duobus Episcopis fuit consecratus. Sic sedes Græcorum tum quoad religionem tum quoad commercia evasere Venetiæ. At *Tipaldus*, aureis Romanorum montibus inescatus, Purpuræ Romanæ, instar *Bessarionis*, inhians, res Græcorum misere perturbavit, qua de re valde gaudebant

debant Papæ, qui & Græcos Anconam volebant attrahere, ideoque Tipaldo, si rem effectui daret, blandissima quævis verba dabant. Ille Capellanos in ecclesiam immittere noluit, nisi examinatos antea & approbatos a Patriarcha Catholico Romano. En vim pollicitationum Romanarum? Decretum ille etiam publicum A. 1708. extorsit, Græcis perquam funestum. Applaudebant Episcopi Romani, Græcos hinc inde misere torquebant, formulas jurandas proponebant, a Græcorum fide alienissimas, qui, modo symbolum Apostolorum jurent, sponte admittuntur. Sic cessavit & exspiravit dignitas Archiepiscopi, sic Bullæ Patriarchales Constantinopolitanæ filuere, sic Respublica jure suo patronatus excidit. Episcopi Latini Capellanis aliisque Sacerdotibus Græcis non quidem Symbolum Nicænum, sed formulas ab ipsis inventas, jurandas proposuere, publicæ Inspectioni ignotas, dum constans est Reipublicæ mens, ut *unusquisque servet morem ecclesiæ suæ*. Sic alienati Græcorum mentes. Sic Legata lucrosa non Venetiis, sed ecclesiis *Janinae, Montis Sancti, Hierosolymæ* dicant. Ecclesia vero Græca, quæ Venetiis extat, mediam quandam formam assumi dicitur, ut neque

que Latina fit, neque Græca, quæ reliquos Græcos multum ab ea absterret. Abiere multæ familiæ, Tergestinos, Anconitanos præferebant. Est adhucdum quædam *formula*, impressa in Collegio Romano de propaganda fide A. 1671. pro Asiæ Græcis, qui Aarii & Macedonii hæresibus essent infecti, non vero pro Græcis Europæis & omnibus subiectis vel Patriarchæ Novæ Romæ vel Alexandria vel Antiochiæ, hinc nec Venetiis locus formulæ datus, licet denuo A. 1720. lege sanxerint Decemviri, ut Græcorum Capellani de Catholica fide examinentur & adprobentur. Hisce Latinorum moliminibus decrevit Græcorum numerus inter Venetos, & complures ad Liburnenses se contulere, ubi a Familia Medicæorum benevole fuerunt suscepti: nam & *Liburni* morantur Græci Schismatici, referente ad me literis privatis Cl. Dn. M. *Breyero*, amico suavissimo. Græci interim a Veneta urbe alienati, Anconam confluebant, ubi P. Benedictus XIV. consiliis Julii II. insistendo, plus etiam hoc præstitit. Veneti vero plures Græcos alunt, quam vel Austriaci vel Romani, &, si vellent, facile attrahere eos possent, omnes. Linea enim prima Candienfis, pace A. 1669. termi-

nos terræ Venetæ præscribens paucorum erat miliarium. Sed vastior evasit & magis protensa terris occupatis pace Carolovicensi A. 1698. & numerus subditorum mirum in modum crevit post pacem Passarovicensem 1718. Solus Episcopus *Savadia* 700. amplius familias ex Turcarum Imperio ad Venetos transduxit. Quo libentius vero ad Venetos se reciperent, inde ab A. 1722. usque ad A. 1762. de Capite Græcis dando fuit deliberatum, quod tandem concessum, schisma inter Græcos de novo excitavit. (*)

(*) Quantam bilem contra Græcos alant nonnulli Romani, jam occasione Poloniæ patuit, ubi Græci Uniti sub Metropolita *Velamio* a Rege impetrarunt, ut Schismaticos quovis modo ad fidem Catholicam adigerent. Res ad Urbanum VIII. delata, in cuius Consistorio nescio quis libere profatus est: *sermonem esse de fide divina, libertatem Græcis esse permit- tendam, ab omni violentia, quin & a minima specie ejusdem abstinendum, in libertate esse relinquendos, bonis exemplis esse convincendos.* Conf. *Bertoli*, Consultoris, *Allegatio in Jura* n. 23. in Act.





CAPVT II.

Quo Acta Patriarchæ Constantinopolitani pertractantur.

§. 17.

Id quidem negotii, quod adhuc pertractavimus, tantum difficultatis secum non ferret, nisi alia supervenisset quæstio, a Patriarcha Constantinopolitano mota, quæ difficilioris est judicii. Ut vero fides dictis constet, primum documentum affero Constantinopolitanum, ubi Græci Patriarcham venerabantur *Joannichium*, hoc anno throno suo detrusum. Ex iis, quæ iste ad Græcos Venetos perscripsit, summam eorum, quæ Constantinopoli fuerunt acta, perspicias. Utor Copia ex authentica epistola Patriarchæ ad Protopapam Corcyrensem ad me transmissa, quam Latine verbum verbo ita reddo:

„Joannichius, ex misericordia divina Archiepisco-

pus Constantinopolis, Novæ Romæ, &

„Oecumenicus Patriarcha.

„Reverendissime Protopapa Insulæ a Deo con-

„servatæ Corcyræ, reliquique reverendi Sacerdotes

„ & sancti Monachi & honorandi Cives atque Mer-
„ catores, incolæ illius Insulæ, Filii in Domino di-
„ lecti a nostra mediocritate. Gratia sit in Vobis
„ omnibus & pax a Deo atque a nobis benedictio
„ & remissio.

„ Uti absque dubio omnes partes referuntur
„ ad totum, & membra ad Caput, ut conserven-
„ tur, sine quâ unionem fieri nequit, ut quidquam
„ conficiatur, quod perfectione absoluta gaudeat:
„ sic pariter, qui Sacerdotalem & Episcopalem ar-
„ ripiunt dignitatem, intra terminos limitesque re-
„ stringendi sunt, quibus Patriarchalis dignitas &
„ Pontificia excelsitas definitur. Necessaria itaque
„ eorum est obligatio, ut sibi bene prospiciant &
„ obsequentes sese gerant, ut ne gratia, ex eadem
„ promanante, priventur, quæ gratia exinde tan-
„ quam ex fonte, principio & capite fluit, cum fa-
„ cultate Spiritus Sancti efficaci, quæ a sanctis Apo-
„ stolis subsequenti tempore pastoribus, eorum suc-
„ cessoribus, fuit collata, iis quippe, qui in Deo
„ rite consecrati sunt, ut ad amissum Canonum,
„ Christiano gregi pastores præponant, quem in
„ finem inferior semper a superiore benedictionem
„ accipit. „

§. 18.

In formula hac benedictionis Patriarcha novæ Romæ Patriarcham veteris Romæ imitatur, qui in epistolis suis Apostolicam semper benedictionem præmittit, cui eandem vim tribuit, ac si Petrus Apostolus, cujus se successorem gerit, ipse benedixisset. Benedictio si eo sensu sumatur, ac si quis bene mihi precetur, a quovis Christiano grata nobis esse debet. At si Papa protensa manu benedicit, resonantibus tormentorum tonitribus, id a primæva quidem disciplina christiana alienum est. Superstitio huic benedictioni tum Papæ tum Patriarcharum tum & Nunciorum eam vim tribuit, ut a peccatis liberet quosvis obvios ad minimum venialibus, qua propter & in genua procidunt. Remissionem peccatorum Romanus quidem Patriarcha non exprimit, exprimit vero Constantinopolitanus, qui benedictione sua remissionem peccatorum vel offert vel annunciat. Ipsa formula absolutionis penes Græcos consueta adhucdum est deprecatoria, inque precibus consistit, super confidentem fufis, quibus Deus rogatur, ut peccata condonet, id quod ex GOARO patet. Conf. *Pfaffius* de absolut. ministri eccles. hypothetice vel ca-

tegorice concipienda. p. 8. Quodsi itaque formulam hanc Patriarchæ optative interpreteris, non male fluit, dum sibi non Apostolicam benedictionem, sed mediocritatem tribuit. 2) Quod se Patriarcham ex misericordia divina appellet, id *ἀνυπερβυνίαν* ipsius denotat, qua formula etiam Patriarcha Venerus utitur, ad denotandam a Sede Rōmana, quoad electionem ad minimum, independentiam, cum reliqui Episcopi gratiam hanc sedi Romanæ tribuant. Patriarcha Constantinopolitanus pontificiam excelsitatem, excelsum culmen, *ὑψηλότητα*, italice Grandezza, sibi arrogat, qui tituli, si quidem tituli meri essent, mirum quantum ecclesiam olim perturbarunt, altius vero affurgere Patriarcham Romanum, qui majestatem sibi tribuit, jam supra vidimus.

§. 19.

Observamus tertio, Patriarcham Constantinopolitanum subjectioni huic, quam ipsi præstant reliqui episcopi, gratiam tribuere, appellari ab eo dignitatem Patriarchalem, fontem, principium & caput hujus gratiæ, conjungere cum eadem gratiam sive facultatem Spiritus Sancti efficacem. Cavendum est, ne voce gratiæ abutamur, quæ amorem

rem Dei Patris in Jesu Christo hominibus revelatum in complexu locorum sacrae scripturae significat. Subjectioni aliorum sub sedem vel veteris vel novae Romae quis gratiam hoc sensu tribuerit? Alius est ordo, cui se ecclesia quaedam adstringit, alia est jurisdictio (*) ecclesiastica, quam ecclesia vel integram retinuit, vel principibus ita reliquit, ut ordinem externum & prerogativas Praesulum, ut in casu substrato, Imperatores v. gr. Constantinus M. pro lubitu definirent. Aliud vero est, ordini huic Hierarchico gratiam tribuere, eumque fontem

(*) *Pfaffius* contra *Banizam* pag. 19. distinguit, quae Princeps facit ab eo, quod alii faciunt, qui jurisdictionem ecclesiasticam administrant; Principis sc. esse prospicere, ne ab iis, qui jurisdictionem administrant ecclesiasticam, vel Simonia, vel Nepotismus, vel Tyrannis exerceatur. *Idem* in *Diff. de vera ecclesiae notione* variisque illius speciebus a. 1739. §. 14. ita inquit: „*Sic relicto ecclesiis, quod originarie competeat ipsis, jure, hujus exercitium, tacito earundem consensu in Imperantes translatum est, & eo quidem consultius, quod in tanta ecclesiarum plebisque sacrae multitudine fieri haud poterat, ut ordo, ut disciplina ecclesiastica servaretur.*

fontem principium & caput gratiæ appellare. Quodsi gratia externa intelligatur, nihil habeo, quod obloquar. Ex historia vero ecclesiastica patet, subjectionem Episcoporum sub forum sive Primatis sive Patriarchæ a divisionibus pependisse, quas Imperatores in terris tum Occidentis tum Orientis instituendas censuere. Cl. MOTTA, tractui suo *de Metropolitico jure* dispositionem addidit, factam per Imperatorem Leonem sapientem, quem ordinem habeant throni ecclesiarum Patriarchæ Constantinopolitano subjectarum. Jam cum iste ordo sit mere humanus, (*) legibus humanis institutus, iisdem adhucdum obnoxius, fons gratiæ appellari nequit subjectio huic ordini præstita, nisi gratiam generalem intellexeris. *Quarto* quoniam est sensus expressionis: annexam esse vim Spiritus

(*) Conf. omnino *Christ. Thomasius* ad *Lancelottum* L. I. T. IV. de Episcopis n. 48. ubi jus humanum Patriarchæ Constantinopolitani uno obtutu ex Zieglero demonstrat. Neque id ægre ferent Græci, qui ipsi non nesciunt, pascere pastores jure divino, sed esse Archiepiscopos, Primates, Patriarchas, non nisi jure humano.

Spiritus S. efficacem? Τὴν ἐξουσίαν ἐνεργητικὴν
 Spiritus S. five sanctificantem five Pastores donis
 administrantibus instruentem non inficior. Neque
 nego, Spiritum S. Apostolis insufflatione datum
 Joh. XX. 22. Id vero est in quaestione, an Pa-
 triarchalis dignitas sit fons gratiæ cum vi Spiri-
 tus S. efficaci, nisi dona administrantia intellexe-
 ris, quæ, ubi ordo episcopalis viget, ab Episcopo
 in Episcopum reliquosque pastores propagantur,
 modo non subsit idea de caractere indelebili, illis
 impresso, qui ita Episcopatui immittuntur. Con-
 stat, Protestantes etiam alicubi habere Episcopos
 & studere successioni episcopali, sejungunt vero
 ab ea characterem indelebilem. Summa est liber-
 tas Spiritus S. adeoque ex divina sua natura ne-
 que genti neque loco neque throno cuidam Pa-
 triarchali adligandus. Sic fucum nobis facit Ca-
 thedra Romana, & Spiritum S. suo quasi throno
 adjungit, ne alibi eadem mensura impertiri cre-
 datur, quam in unione cum hac Cathedra. Quid
 jam tempore Gregorii M. de utriusque throni
 Patriarchalis prerogativis fuerit disputatum, ha-
 bet Jannonius.

§. 20.

Quinto ex sequentibus adparet, mentem esse Patriarchæ, hanc gratiam per consecrationem five ordinationem aliis communicari. Ex ipsa definitione ordinationis & ex usu primitivæ ecclesiæ patet, ordinationem five consecrationem juris divini non esse, sed non nisi juris ecclesiastici & humani. Ordinatio est actus publicus, quo ecclesia per Ministrum five Ministros, ministerii sacri candidatis, recte five vocatis five electis, additis precibus manuumque impositione adhibitisque solennibus formulis, potestatem docendi & administrandi sacra confert. Nostra definitio parum a Boëmeriana differt in jure paroch. Sect. III. c. 1. §. 39. Dixi, per Ministrum five Ministros. Constat enim, esse Concilia, & ipsum Nicænum, quod tres Episcopos ordinare jubet. Constat porro, quæ *Jablenski* cum *Grabio* tractarit, scripta ei epistola, qua quærebat, an ordinatio ab uno episcopo fieri possit. Grabii responsum affert *Pfaffius* in *Origgen. jur. eccl. rec. ed. p. 326*. Hinc laudandus ab antiquitate est mos ecclesiæ Augustanæ, ordinationem ibi ab universo Ministerio ceu Presbyterio, primario autem a Senioribus ceu Capitibus fieri, dicente

dicente unoquoque, quod e re esse putat, ordinatumque verbo salutari tum excitante tum inaugurante. Patet ex definitione, ordinationem esse actum publicum, in se laudabilem, at non nisi ab hominibus his cerimoniis vestitum. Nam quæ de impositione manuum tanquam necessitatis absolutæ oggeruntur, ea jam supra diluimus. Aliud est ministerium ecclesiasticum seu clavium, a Christo institutum, cum quo jus & potestas docendi & sacramenta administrandi jungitur. Sic Christus Matth. XVI. Petro primo loco spondet, daturum sese ei regni cœlestis claves, exinde vero deducit jus docendi & sacra pro diversitate subjectorum impertiendi. Aliud vero est ordinatio, qua Candidati ad hoc officium imbuuntur, qui actus mere humanus est, licet cultus divinus hunc actum ab hominibus introductum sanctificet. Quod ad usum primitivæ ecclesiæ pertinet, habemus Canonem Concilii Nicæni I. œcumenici quartum, qui ita fuit: ἐπίσκοπον προσήκει (*) μάλιστα μὲν ὑπὸ πάντων τῶν ἐν τῇ ἐπαρχίᾳ κα-
 θί-

(*) Sive hoc verbum προσήκει per oportet, ut
Hervetus & Isidorus Mercator, sive per convenit,
 ut

Ἰςασθαι. Eo sensu ex lege etiam primitivæ
 ecclesiæ Augustana ecclesia bene omnes ecclesiæ
 Ministros in partem ordinationis trahit. *Ἐπαρ-
 χία* enim provinciam dicit, quæ sub Præfecti di-
 tione est. Concilium itaque collegium Episcopo-
 rum tanquam societatem quandam considerat, in
 quam ante, quam quis adsciscatur, societatis est,
 præmissa cognitione, an Societati conveniat, quod
 judicium Imperatores etiam in rebus ecclesiasticis
 permiserant Episcopis, eundem in Societatem im-
 mittere. Quam mentem ecclesia Augustana ex-
 acte imitatur. Electo enim Ministerii candidato,
 in Consilio, quod vocant, fidei, quæ suffragia fa-
 tis commonstrant, dexteritatem se ejus cognitam
 habere atque exploratam, res ad collegium eccle-
 siasticum, cujus membra sunt politica, ex diversis
 inclytæ hujus Reipublicæ ordinibus sejuncta, de-
 volvitur, in quo Candidatus pluribus suffragiis
 confirmatur, tum vero a Ministerio officio suo
 immittitur, sicque *ὑπὸ πάντων τῶν ἐν τῇ
 ἐπαρχίᾳ καθίσταται.* *Εἰ δὲ δυσχερὲς ἔιν,*
 per-

ut *Dionysius Exiguus*, verteris, lex est huma-
 na, ab hominibus facta.

pergit Canon, τὸ τοῖστο, ἢ διὰ κατεπεί-
 γουσαν ἀνάγκην, ἢ διὰ μῆκος ὁδοῦ, ἐξ
 ἅπαντος τρεῖς ἐπὶ τὸ αὐτὸ συναγομένους,
 συμψήφους γινομένων, καὶ τῶν ἀπόντων,
 καὶ συντιθεμένων διὰ γραμμάτων, τότε
 τὴν χειροτονίαν ποιῆσθαι. Hæc prima lex
 positiva sed humana est de ternario ordinantium,
 quem vero numerum ternarium non absolute esse
 necessarium, demonstrat *Mafonus in Vindiciis eccle-*
sia Anglicana. (*) Græci hisce Canonibus adhuc-
 dum insistant, at queritur, an Patriarcha Roma-
 nus eos observet, in episcopi electione συμψήφους
 esse oportere reliquos etiam vel absentes, quem
 con-

(*) Conf. *Pfaff* in diss. de successionis episcopa-
 lis apud Protestantes pretio in *Orig. J. E.*
 p. 265. ubi excerpta ex *Mafono* affert. Con-
 fer porro Paraphrasin Canonum Nicænorum
 Arabicam Josephi Ægyptii Presbyteri, in qua
 video, 1) episcopos omnes ideo in partes vo-
 cari, ut de religione ipsius cognoscant, quod
 in textu jam indicavimus. 2) Numerum ter-
 narium in hac paraphrasi non absolute necessa-
 rium dici: ita enim fluunt verba: *tres omnino*
episcopi ad eum conveniant, vel duo, vel unus
saltem necessario.

consensum literis commonstrare debeant, qui mos in ecclesia Romana a plenitudine potestatis, quam Thomas Papæ dedit, fuit absorptus. Hæc lex primi Concilii humana est. Nec ægre ferre possunt ipsi Græci, qui typum nostræ doctrinæ non ignorant, nos Conciliis auctoritatem non nisi humanam ecclesiasticam conferre, quæ contra verbum divinum in rebus fidei sit invalida, in reliquis vero antiquitatem, & mentem Patrum piam laudamus. Sæpius enim Concilia, id quod jam observavit Cel. D. D. WALCHIVS, Gœttingensis, fautor noster singularis, non nisi Comitiorum formam nanciscebantur. Sequentia demum tempora ordinationi gratiam inhasivam & ex ea fluentem characterem indelebilem apposuerunt. Ex eodem Canone jus divinum adstruere quidem voluit M. A. de Dominis, cui vero respondit Schilter de libert. eccles. Germ. c. 2. §. 15. & bene animadvertentem Strykiun laudat Boehmerus l. c. p. 124. *vix mandatum apostolorum de necessitate ordinationis existare in sacris paginis, nec promisisse Deum, se per hunc ritum daturum esse gratiam*, qui & §. 43. ordinationem morem quidem ecclesiæ antiquissimum vocat, sed indifferenti ratione adhibitum, nulloque

que mandato divino constantem. Nec moramur, canones ecclesiæ primitivæ opponi, qui *Canonicè* episcopos fieri jubent, si vox *Canonicè* de Canonibus ecclesiæ puræ, sensu itaque depurato, accipiat.

§. 21.

Patriarcha vero ita pergit: „*Superioribus obtemperandum est, eorumque mandata sunt perficienda, assèrente sancto Apostolo: Obedite præpositis vestris & subjacete eis. Quotusquisque vero contraria his facit, absque data a Patriarcha & Synodo facultate, Sacerdotalia & Episcopalia munia temere exercere conatus, is ex Apostolicorum Canonum sanctorumque patrum dictaminibus degradationis culpam sibi contrahit, auctor quippe & causa denegati obsequii, ordinisque turbati, contra leges quippe divinas pravariatus, exciditque dignitate, quam irregulari ratione & indiscretim acceperat, sacrisque ecclesiæ nostræ recinctibus ejicitur.*„

Thesis de obsequio ab inferioribus præstando bene fuit, quia ex jure ecclesiastico Græcæ ecclesiæ Patriarcha cum Synodo Episcopum facultate episcopali & ornat & privat. Legem vero divinam esse, nego, quos Canones boni ordinis causa

dicit ecclesia. Peccare contra Canones ab ecclesia
 receptos, est contra ecclesiam instituta facere, adeo-
 que factis indignum se gerere officiis ab ecclesia
 conferendis. Dignitate excidisse eo sensu conce-
 do, si dignitas in manibus Patriarchæ & Synodi
 est. Quod si vero Princeps eum, cæteris paribus,
 (salvis ecclesiæ juribus internis, quin & ipsi ec-
 clesiæ data Episcopi eligendi potestate, relicto ita-
 que eidem de orthodoxia ejusdem judicio,) Ca-
 put reliquis præposuerit, id pro terris Principi
 subditis valet, nisi Episcopus, ut nostro in casu,
 proprie jurisdictioni Metropolitanæ sit subordina-
 tus, quod Venetiis quidem in dubio esse videtur,
 cum & vetus & nova Roma subjectionem hanc
 exigant, licet re vera in dubio non sit, ecclesia
 Græca semper veteris Romæ Patriarchæ addicta.
 Quid electionem faciat irregularem, Juris Canoni-
 ci doctoribus relinquo. Ideo vero ex pomœriis
 ecclesiæ penitus ejiciendum, quis statuerit? Pri-
 matibus & Synodis non nisi id judicii competit,
 an Episcopus munus suum rite possit adire. Quodsi
 vero irregularitatis quid accefferit, id quidem non
 tantum crimen est, ut membra ecclesiæ statim ex-
 communicationi sint addicenda. Quam facilis in

excommunicationibus olim fuerit Patriarcha veteris Romæ, alii jam ante me adnotarunt. Excommunicationis, i. e. sejunctio a cœtu fidelium, *clavi cersa, non errante*, (quæ distinctio est immortalis *Sarpis* toties inculcata in scriptis contra Pauli V. anathema) nec animo levi, sed deliberato, præmissa & ponderata facti gravitate, est facienda, nec quod ecclesiasticum est, politica specie induendum. Qui de rebus Græcorum scripserunt, unanimi fere consensu testantur, quanta sit excommunicationis a Patriarcha Novæ Romæ factæ auctoritas, ut ipsi Turcæ eam sæpius sibi expetant, quo facilius sine suo poriantur. Quid huic testimonio peregrinatorum v. gr. SMITHII, cum quo consentit CRUSIUS nostras insit veri, Græci melius me edocebunt. Bene Joannichius Synodum sibi adscivit, ut de facti gravitate Synodicum fiat judicium. Nec denegandum est obsequium huic Synodo a Græcis præstandum. Quod si enim Græca ecclesia semel se Patriarchæ Constantinopolitano submiserit, illius etiam sententiis est standum. Facile quidem excommunicatio inconsulto vibrata in jura Principis involat, cujus subditos potest turbare, adeoque nec Principibus vitio vertendum,

fi contra excommunicationes quieti publicæ consulant. Quod ad irregularem rationem pertinet, qua Facea hoc muneris acceperit, jus Canonicum L. I. Tit. XXV. de iis, qui promoveri non possunt, quatuor tantum impedimenta ponit, quæ huc non quadrant. Irregularitas porro, quæ Canonicum impedimentum est, quo quis tam ab ordinibus ecclesiasticis suscipiendis, quam ad ejusdem subeunda ministeria prohibetur, vel ex facto oritur, vel ex defectu. Defectu physico, quam improprie irregularitatem dici monet Thomasius ad Lancellottum L. IV. Tit. XV. de suspens. Facea non laborat. Itaque facto eandem sibi adscrivit, sicque, si generalissime velimus procedere, legali inhabilitate, ut ita dicam, laborat, quæ ex jure positivo ecclesiastico Græcorum de juribus Patriarchæ & Synodi est repetenda. Irregularitatem in se censuram non esse, cum Thomasio l. c. n. 562. facile credo, nec tamen id negari poterit, contra irregularitatem ex delicto dari censuram. Decidant alii, an violatio juris humani anathemate vibrato sit luenda.

§. 22.

Pergit Patriarcha: „Jam cum ante exiguum
„tem-

„tempus supplicantibus & rogantibus orthodoxis
 „Christianis & honorandis Mercatoribus, qui in
 „inclyta urbe Veneta sedem fixam habent, id fue-
 „rit concessum, ut ab illa Serenissima Republica
 „facultate & potestate ornarentur, constituendi ex
 „usu antiquo Philadelphię Metropolitanum, facta
 „ab iisdem orthodoxis Christianis nostrę Nationis
 „electione certi cujusdam, cui Gregorii nomen
 „est, id negotii synodice ad nos fuit delatum, ad-
 „ditis precibus, ut ex antiquo usu Canonico &
 „ex consuetudine ecclesiastica nostram ipsi Patriar-
 „chalem & Synodalem Bullam mitteremus, ut or-
 „dinatio ejus rite possit succedere. Synodo ita-
 „que oblata sunt ipsius literę, eęque coram ea-
 „dem recitata. Quo facto communi & synodali
 „consensu id fuit decretum, ut electus Gregorius
 „antea orthodoxam fidei professionem ad nos mit-
 „teret, ad exactam Canonum amussim patrumque
 „dispositionem, accedentibus insuper & informa-
 „tione & testimonio approbativo orthodoxorum
 „Christianorum Venetiis commorantium; quo fa-
 „cto nos ipsi nostram Bullam Patriarchalem mis-
 „suros spondebamus, ut Metropolita Philadelphię
 „possit consecrari & ordinari, quę Christianorum

„nostræ Nationis erat rogatio. Quæ postea ortho-
 „doxa ipsius Professio exacte & mature a nobis
 „nostraque Synodo ponderata literisque tradita ei-
 „dem cum epistola nostra patriarchali mittebatur,
 „additis mandatis, ut exhibitam ipsi ejusmodi pro-
 „fessionem a nobis missam, primum in templo Dei
 „coram omnibus orthodoxis Christianis legat, pro-
 „pria manu subscribat, subscriptam & confirma-
 „tam nobis transmittat, uti diximus. Tum qui-
 „dem & nos ipsi Patriarchalem Bullam eramus
 „missuri, ut ordinatio ipsius ex ritu recepto pos-
 „sit subsequi.

§. 23.

Hic ad ipsam causam nostram accedit Patriar-
 cha. *Primo* quidem ad usum antiquum provocat,
 quo Græci Veneti Metropolitanam Philadelphię Epi-
 scopum seu Caput ecclesiasticum venerabantur.
 Res itaque non adeo nova, ac Curia Romana simu-
 labat. Cel. Dn. D. *Kiesling*, quem cum debita
 reverentia citamus, in exarsciata historia concerta-
 tionis Græcorum Latinorumque de transubstanti-
 atione p. 358. *Gabrielem Scverum* profert, tan-
 quam primum dictionis *μετσωσσεως* auctorem
 qui & ipse fuit, qui hodie Facea vel est vel esse
 præ-

præsumit, quem & in Catalogo Archiepiscoporum Philadelphia, Papæ exhibito, legere mihi contigit. Quæ ibidem de hoc Gabriele afferuntur, ita sunt intelligenda, non quod Archiepiscopi Philadelphienſis & Antistitis ecclesiæ Græcæ dignitas in se differat, eo enim sensu Gabriel, qui semper inter Venetos Patavii fuit innutritus doctrinaque sua imbutus, nunquam vere Philadelphia refedit. Intercessit ei commercium epistolicum cum nostro Martino Cræſio, ut videre est ex Turco - Græcia L. VIII. ep. 8, p. 512. ad quem permultum laudat Venetorum in Græcos studium, in dogmaticis vero ita se gerit, ut non nisi generalioribus adherere adfertionibus videatur. Ἰσθι ἡμᾶς τῇ ἀληθείᾳ διδασκαλία ἐπομένους, καὶ ταῖς τῶν ἁγίων ἀποστόλων παραδόσεσιν, ἔγε μὴν τοῖς περὶ τροφᾶς λέξεων καὶ λόγους εἰς ἄερα χρομένους ἐσχολακόσι, προσθήκαις πε καὶ ἀφαιρέσεσιν ὁσημέραι προβαλλομένοις. Quo sensu aperte Scholasticos doctores castigat, verbo Dei τροφαῖς λέξεων vel addentes vel detrahentes. Ipse vero se subscribit ἀρχιεπίσκοπον Φιλαδελφείας καὶ ἑξάρχον πα-

τριαρχικόν. Pagina vero 525. ad Patriarcham Byzantinum rescribit, quomodo a Republica Veneta fuerint suscepti Græci, qui locus, cum in laudem inclytæ hujus Reipublicæ vergat, adponendus mihi videtur. Ἡμᾶς ἰσθι, φιλοτίμως πως πρὸς τῆς τῶν Ἑνετῶν πολυυμνήτης ἀρχῆς προσδεδηγμένους, τῆς εὐσεβῶς ἅμα δὲ καὶ αἰδεσίμως τοῖς σοῖς ἐντυγχάνουσης γράμμασι, καὶ τὸ ἀποφαινόμενον, ἀόκνως σιανέσης. Ὅυδαμῶς γὰρ, τῷ ὄντι οὐδαμῶς ἐνεσι ἄλλῃ ἀρχῇ πᾶν-
 λαν τινὰ εὐρεῖν, τῶν αὐτῆς συμφορῶν, ὡς τῇδε, ἐν ἣ οὐδεμία γίγνεται τὰ πρὸς τὴν ἡμετέραν θρησκείαν ἀνίχνευσις. Negat, in alia ἀρχῇ Regno seu republica locum eis fuisse concessum tam magnificum, quam Venetiis. Negat, obnoxios se esse τῇ ἀνιχνεύσει, seu de cultu religioso inquisitioni. Id dixisse de usu antiquo constituendi Archiepiscopum Philadelphiz in Caput Græcorum exemplo *Gabrielis Severi* de anno 1578. sufficiat. Vere de viro hoc prædicari potest, laudatur ab his, culpatur ab illis. *Thomas Shmithius* in itinere Turcico p. 117. & 118.

de ecclesiæ Græc. Stat. hodierno inter ejus opuscula ex itinere Turcico enata eum vocat *ineptulum mysteriorum in quovis ritu indagatorem*, qui levem & nullius prorsus judicii, ubi cujuspiam momenti res argumentorum pondere tractanda est, fere ubique se prodit. inventorem eum esse vocis *μετεσιώσεως* ex scholasticorum doctrina natæ, habet p. 100, quod Jeremias Patr. Constantinop. a quo Metropolita fuit consecratus plane nescivit. Laudatur vero a citato *Muazzo* l. c. qui, relatis latinorum studiis de Calendario Gregoriano Græcis obtrudendo, litteras Severi memorat ad Patrem Constantinop. missas, quibus supplex oravit, ut accipere Calendarium Græcis liceat, cui vero petitioni Patriarcha surdas præbuit aures. Verba ejus ita fluunt: „*Monsignor Gabriel Severo il suo primo Metropolitano uomo di singolar virtù, di sommo merito sù quello, che una e due volte umiliò all' ecumenico Patriarca le supliche della nazione. La prima volta nè meno ebbe risposta, la seconda ricevè risposta mà con dispiacere di veder rigettate le sue istanze.*„

§. 23.

Secundo disciplinam ecclesiasticam Græcorum

F 5

facile

facile pervidemus. *a)* Principis enim est, decidere, an sit e republica, ferre ejusmodi caput, an vero minus. Nostro casu Principi major exinde subnascitur necessitas, quoniam Exarchis a Patriarcha Constantinop. potestas quædam judiciaria datur, quæ ne in detrimentum vergat, Principis est dispicere, ut caput ecclesiasticum cujusvis toleratæ religionis in rebus altioris indaginis perpetuum cum eo fervet nexum, illæsis interea relictis juri-
bus societatis ecclesiasticæ internis. *β)* Quæ ne princeps offendat, *orthodoxis Christianis* ut habet epistola Patriarchalis, potestatem concedit, eligendi sibi Archiepiscopum, accedente tum clero tum populo in partes suffragiorum. *Thomasius ad Lancellottum* ex *Zieglero* demonstrat, olim non licuisse eligere episcopum, nisi quem populus probaverit, idque ex consuetudine Apostolorum Act. I. 15. & VI. 2. Usus ille seculo adhuc dum tertio & quarto ad sexti vere initia fuis servatus, quo Justinianus honoratioribus tres proponendos permisit, ex quibus Metropolitanus dignissimum eligat. Itaque ad amissim Canonum hac in re fecerunt Græci. *γ)* Quod vero Metropolitanum titulum Faceæ sive cuivis a natione Græca electo tribuant,

buant, id dignitati reipublicæ Venetæ responder.

Gabriel Severus exarcham se vocavit, cum quo titulo potestas quædam judiciaria est conjuncta. In

novella Leonis Imperatoris, quem Philosophum cognominant, sextus thronus Constantinopolitano throno subjectus est, thronus (*) *sardium* in Lydia,

Sardiano vero Metropolitano subicitur Præsul Philadelphienfis, qui & Hirtacomianus dicitur. Con-

stitutio hæc Archiepiscopo ecclesiæ Philadelphienfis Metropolitani jura certe non tribuit. Nec tribuit

ordo provinciæ sub Eparcho Romæ sive Italiæ, qui Veneriam quinto loco ponit in provinciæ Campa-

niæ. Vid. MOTTA l. c. in append. p. III. & p. XVII. §) Quod vero patriarcha de synodo

sua effert, id ex *Elsnero*, *Zialowskio* aliisque claret, & institutis antiquæ ecclesiæ quam maxime est

consentaneum. Synodus hæc originem suam debere mihi videtur usui antiquo, quo vacante ec-

clesia Episcopi cum provincialibus conveniebant, proposituri, si quid obstaculi adestet. Romana

ecclesia loco Synodi collegium Cardinalium assum-

fit,

(*) De locutione hac throni, cui conveniat, differit MOTTA l. c. p. 203.

fit, quorum vero jura ad nihilum fere sunt redacta, si cum Synodo Græca conferas. Casus substratus ex eo, quam facillime dignoscitur, quod *Thomasius* loco citato p. 72. affert. „*Justinianus*, „inquit ille, *populo* atque clero ecclesiæ vacantis „*προβέλευμα* tantum aliquod concessit, Metro- „politano vero ultimam & proprie sic dictam electionem. Verosimile tamen, Metropolitanum „habuisse penes se Synodum reliquorum episcoporum comprovincialium, cum quibus discussio „proboleymate, ad se misso, electio perficeretur. „*προβέλευμα* est cleri atque populi, quod in ecclesia Græcorum Veneta factum etiam est. Me jam non moratur longior disquisitio & evolutio ideæ de populo, utrum de universo populo ad ecclesiam pertinente, an vero de capitibus populi repræsentativis sit intelligendum. e) Patrinarcha præterea urget, ad hoc *προβέλευμα* pertinere professionem fidei, ab Archiepiscopo & orthodoxis Græcis subscribendam, quam professionem ipse cum Synodo mature conceptam, ipsi coram ecclesia recitandam, suaque manu confirmandam miserat, tum demum Bulla patriarchali & Synodali perfectam in electionem. In propatulo itaque est, Patriar-

triar-

triarcham tanquam Caput religionis Græcæ de fide Græcorum pura servanda esse sollicitum, quod studium quis agræ ferat? Licet enim invita conscientia nemo alterum ad Professionem fidei possit adigere, si tamen ecclesiæ juribus gaudes, debes & typum doctrinæ profiteri eundem, cujus publica professio, prælectio, subscriptio, si vel ad externa referas, in se tamen non sunt superflua, sed, in casu maxime dubio, necessaria. Sic nos Protestantes formulæ concordia ceterisque ecclesiæ Evangelicæ libris, symbolis sincera mente manuque subscribimus, subscriptionemque prælegimus, ut publicum extet testimonium nostræ fidei, publico typo conformis.

§. 24.

„*At prævaricator iste, sic fluit textus, flocci*
 „*pensis Apostolorum & Patrum Canonibus san-*
 „*ctoque ecclesiæ ordine & usu, & manifesto in*
 „*universam Synodum & magnam subjectam nobis*
 „*ecclesiam Christi demonstrato contemptu, temera-*
 „*rius inquam ille, seposita omni reverentia pote-*
 „*statem sibi arrogavit, illic absque consecratione*
 „*femet ipsum consecrandi, assumpto temere no-*
 „*mine Episcopi & Metropolitæ Philadelphæ, non*
 „*concessa prius illi Patriarchali nostra Bulla, quæ*
 „*po-*

„potestatem, ordinationem assumendi, ipsi tribue-
 „ret, perpetrata sic actione, quæ & summa cum
 „arrogantia est conjuncta, & plane a recta regula
 „abludit, condemnata ideo a divinis quoque legi-
 „gibus sacrisque Canonibus. Re igitur a Synodo
 „maturius perpenſa, considerata canonice facti ano-
 „malia, reum & abnoxium ultimis poenis ecclesia-
 „sticis se præstitit, culpa tam magna tamqu. gravi,
 „contra Canones perpetrata. Sextus enim Sanctif-
 „simi œcumenici Concilii Canon & secundus se-
 „cundi Concilii ita fluunt. Valeant consuetudi-
 „nes Archiepiscoporum antiquæ, & suis in provin-
 „ciis potestatem quisque habeat. Quod si quis
 „absque Metropolitanæ sententiæ factus fuerit. Epi-
 „scopus, deponatur.

§. 25.

Provocat ad Canonem Vltimum Concilii Nicæni
 œcumenici primi, qui quidem quoad sensum non
 quoad verba est, citatus. Canon enim ita insit:
Τὰ ἀρχαῖα ἔθνη κρατέισθω, antiquos mores
 servari vult. Quæ in Canone citato subsequuntur,
 singulis Patriarchis suas tribuunt provincias.
 In eodem Canone sequentia præcipiuntur. *Εἰ τις*
χωρὶς γνώμης τῆς μητροπολίτης γένοιτο
ἐπίσ-

ἐπίσκοπος, τὸν τοιοῦτον ἢ μεγάλη σύνοδος
 ὥρισε μὴ δεῖν εἶναι ἐπίσκοπον. Paraphrasis
 Arabica hunc Canonem ita affert. „Quod si quis
 „aliter factus fuerit, modo præcipimus, & visum
 „est Synodo, ut omnino non fit, & ut Synodo eji-
 „ciatur, nisi Patriarcha negotium ejus susceperit,
 „ut cui Principatus est super Synodum., Ipsa
 paraphrasis docet, auctorem ævi sequioris esse, quo
 demum de principatu Patriarchæ super Synodum
 coeprum est scribi. Constat, extare hanc Canonum fere
 omnium, in ecclesia receptarum, paraphrasin Ara-
 bicam in Bibliotheca Oxoniensi Bodlejana. Sive
 textum sive paraphrasin ames, jus Patriarchæ est,
 neminem, nisi rite ordinatum, καὶ συμφύφθ
 τῷ μητροπολίτῃ. An vero ipse Facea muneri
 suo se intruserit, alia est quæstio, eaque facti. Ei
 non se intrusisse videtur ex libera ecclesiæ Græcæ
 electione, quæ licet per majora suffragia fuerit fa-
 cta, cæteris tamen paribus potest esse legitima,
 nisi Simonix, nisi partium præpotentiæ reus ab aliis
 infimuletur, quæ si re vera ita se habeant, con-
 temtus erga Bullam Patriarchalem confirmatoriam,
 crimen Faceæ auget.

§. 27.

„Nos itaque volumus & Synodice decernimus,
 „una cum sacrosanctis Archiepiscopis & honoran-
 „dis inque Spiritu S. dilectis nostris fratribus &
 „Concelebrantibus, ut prædictus Gregorius, qui
 „quacunque ratione fuerit electus sub titulo Phi-
 „ladelphiae, absque vera tamen consecratione, sed
 „irregulari potius modo Archiepiscopus fuit conse-
 „cratus, & Philadelphiae Metropolitam se vocavit
 „absque Patriarchali Bulla sive ecclesiastica permis-
 „sione, contra patrias leges sacrosque Canones,
 „quos nihili fecit, contemta magna Christi eccle-
 „sia nobis subiecta & universa sacra Synodo, qua
 „mente actionem adeo illegalem, condemnatione
 „dignissimam, perpetravit, quæ nunquam a mul-
 „tis inde sæculis vel fando accepta vel facta fuit,
 „ut inquam prædictus Gregorius omni Archiepi-
 „scopali actione sit privatus, & depositus, divina
 „gratia spoliatus, ex Catalogo, Hierarchico eiectionis
 „& exclusus, omnique beneficio ecclesiastico pri-
 „vus, denegata ei omni facultate Archiepiscopali,
 „ut nec habitu Pontificali uti, nec functionibus
 „Archiepiscopalibus vacare possit, sed ut tanquam
 „degradatus & sine ullo sacro charactere Grego-
 rium

„rium duntaxat se appellet, loco & instar Laici
 „habitus, ut ne quis audeat, cum eo se ad sacra
 „parare, aut sacra ipso facto celebrare, aut
 „tanquam Archiepiscopum, Philadelphia Metropo-
 „politam honorare, aut ipsius manum non sacram
 „osculari, aut benedictionem & sanctificationem
 „ab eo accipere, sub poena suspensionis & indis-
 „solubilis excommunicationis, datæ a Deo omni-
 „potente. Ita definitive fiat, ut scribimus. Mense
 „Septembris 1762. Indictione XI.

„*Irenicus Casareensis.* (*)

„*Joannichius Chalcedonensis* (**)

„*Meletius Vidinensis.*

„*Gerasimus Cycicensis*

„*Samuel Derconensis*

„*Agapius Chiensis.*

„*Nicephorus Nicomediensis.*

„*Me-*

(*) Qui primus est, & titulo gaudet ὑπέρτι-
 μος τῶν ὑπερτίμων καὶ ἑξάρχος τῆς
 πάσης Ἀνατολῆς. i. e. Dioeceseos Ponticæ
 Ponticæ Exarchus. Sruet l. c. p. 61.

(**) Chalcedon ignobilis hodie pagus est, in
 quo unicum est templum S. Euphemie. In
 parvula hac provincia vix sexaginta Christiano-
 rum ecclesie reperiuntur.

„*Meletius Prussia* (*)

„*Jeremiae Nicenus.*

„*Samuel Verviensis.*

§. 28.

Magno cum zelo juri ecclesiastico insistit Patriarcha, actionibus Faceæ nuncupatis tum illegalibus tum fere nefandis. Primo eum ab Archiepiscopali dignitate removet. Omnis degradatio vel verbalis est, quæ plerumque depositio dicitur, cum ab eo, qui auctoritatem habet, assistente certo episcoporum numero depositionis fertur sententia. Vel actualis est, eum certis quibusdam ceremoniis conjuncta, quas jus Canonicum affert. De depositione Episcoporum multus est & erudita affert argumenta *Marca* de Concord. sacerdot. & Imp. L. 7. qui docet, depositiones Episcoporum ab initio decretas & factas fuisse a Synodis provincialibus. Nostro itaque in casu recte se habent, quæ Patriarcha cum Synodo fecit, si de depositione sola sit sermo. At jam olim acceperunt revisiones Imperatorum, jure ne an injuria quis sit depositus, quas revisiones in Concilio Sardicensi

(*) Qui habet circiter 40. ecclesias.

cenſi & poſtea paulatim ad ſe pertraxit Curia Romana. Patet, ab hiſce reviſionibus non admodum ſibi timere Patriarcham, nec cauſam timendi habet, in juſta cauſa verſatus. At jure hoc nativo Principes quis privaverit? Quis Principi, ut rem exemplo illuſtrem, Veneto juſ ademerit, providendi, ne in eccleſiaſticis quid contra publicam tranquillitatem accidat. Summus enim Imperans fons eſt gratiæ poliicæ ſeu publicorum munerum, ſub cujus auctoritate quippe conferuntur, a quo & derivandi ſunt redditus muneribus additi, niſi pacta Nationis publica cum Principe inita, ratione ſandorum publicorum, aliud quid definiant. Hinc ipſi etiam Principes Catholici, ſi eccleſiaſticos vel punire vel in ordinem redigere velint, episcopos ita puniunt, ut temporalia ipſis ſequeſtrent, uti in Gallia vel exilio vel ſequeſtratione temporalium mulctantur. Penes principem itaque eſt, ſi non a munere detrudere, certe de de poſitionibus eccleſiaſticis etiam diſpicere, ſive id per ſe, ſive per alios Miniſtros delegatos faciat, qui uſus in eccleſia non novus, ſed perantiquus eſt. Si Patriarcha deponit, ex antiquo uſu ei adſtant certi quidam Episcopos, ob rei gravitatem in conſortium conſilii vocati. Nu-

merum eorum diversis modis ineunt ICTi. Ad depositionem Episcopi duodecim plerumque Episcopi requiruntur, Synodus Constantinopolitana, quod meri arbitrii est, decem sibi adscivit, præfide patriarcha. Numerus duodenarius tam religiose olim fuit observatus, ut cum Amathantis Episcopus ab Archiepiscopo suo & undecim Episcopis aliis fuisset depositus, Patriarcha Constantinopolitanus & qui cum eo fuerunt, invalidam & nullius momenti eam esse depositionem decreverunt, tum quod non universa Synodus Cypriorum ecclesiæ aut major saltem pars, cum facile congregari posset, coierit, tum quod Archiepiscopus cum reliquis duodenarium numerum confecerit, qui tamen persona ejus excepta esse debuisset, uti refert Theodorus *Balsamon* ad C. 12. Conc. Carthag. & ex eo *Thomasius* ad *Lancellotum* T. I. p. 262.

§. 29.

Secundo varii effectus hujus degradationis referuntur, quorum primus est, ut divina gratia privetur. Qua de re jam supra nonnulla monuimus. Alia est degradatio, alia privatio gratiæ divinæ, qua nemo nisi DEus potest privare. Alter effectus est

est beneficium omne ecclesiasticum, quod si temporale respiciat, uti quidem *Facea* Abbatiae cujusdam redditus fuerunt gratiose collati, nullius Patriarchae est, (id quod ipsi graeci, sana principia juris ecclesiastici inde ab antiquis temporibus edocti, non inficias eunt,) de bonis principum disponere, quæ Subditis conferunt. *Tertio* potestate eum privat, utendi vestibus sacris, relatum quippe inter Laicos, Deposito alias reum non eximit ordine, privilegiis & oneribus clericalibus, neque jurisdictione & potestate judicis ecclesiastici, nostro vero casu *Facea* omnibus privilegiis exuitur. Porro Canonistæ volunt depositioni locum non esse nisi in delictis majoribus, Simonia, latrocinio, concubinato, conspiratione, blasphemia, furto, homicidio, inter quæ delicta, *Faceam* non nisi Simoniae arguunt Graeci quidam. De auctoritate hac Patriarchae inter suos vide *Crusii* (*) Turco. Græciam p. 197. Apud Turcas vero non eo loco habetur, quo est inter suos. Nec inter purpuratos Imperatoris

(*) Incommoda non nihil est editio operum *Crusii*, rarior etiam & infrequentior quam si DEUS vitam concesserit, inter Græcos notiores reddam.



merum eorum diversis modis ineunt Icti. Ad depositionem Episcopi duodecim plerumque Episcopi requiruntur, Synodus Constantinopolitana, quod meri arbitrii est, decem sibi adscivit, præfide patriarcha. Numerus duodenarius tam religiose olim fuit observatus, ut cum Amathuntis Episcopus ab Archiepiscopo suo & undecim Episcopis aliis fuisset depositus, Patriarcha Constantinopolitanus & qui cum eo fuerunt, invalidam & nullius momenti eam esse depositionem decreverunt, tum quod non universa Synodus Cypriorum ecclesiæ aut major saltem pars, cum facile congregari posset, coierit, tum quod Archiepiscopus cum reliquis duodenarium numerum confecerit, qui tamen persona ejus excepta esse debuisset, uti refert Theodorus *Balsamon* ad C. 12. Conc. Carthag. & ex eo *Thomasius* ad *Lancelotum* T. I, p. 262.

§. 29.

Secundo varii effectus hujus degradationis referuntur, quorum primus est, ut divina gratia privetur. Qua de re jam supra nonnulla monuimus. Alia est degradatio, alia privatio gratiæ divinæ, qua nemo nisi DEUS potest privare. Alter effectus est

est beneficium omne ecclesiasticum, quod si temporale respiciat, uti quidem *Facea* Abbatia² cujusdam redditus fuerunt gratiose collati, nullius Patriarchæ est, (id quod ipsi græci, sana principia juris ecclesiastici inde ab antiquis temporibus edocti, non inficias eunt,) de bonis principum disponere, quæ Subditis conferunt. *Tertio* potestate eum privat, utendi vestibus sacris, relatum quippe inter Laicos, Deposito alias reum non eximit ordine, privilegiis & oneribus clericalibus, neque jurisdictione & potestate judicis ecclesiastici, nostro vero casu *Facea* omnibus privilegiis exuitur. Porro Canonistæ volunt depositioni locum non esse nisi in delictis majoribus, Simonia, latrocinio, concubinato, conspiratione, blasphemia, furto, homicidio, inter quæ delicta, *Faceam* non nisi Simonia² arguunt Græci quidam. De auctoritate hac Patriarchæ inter suos vide *Crusii* (*) Turco. Græciam p. 197. Apud Turcas vero non eo loco habetur, quo est inter suos. Nec inter purpuratos Imperatoris

(*) Incommoda non nihil est editio operum *Crusii*, rarior etiam & infrequentior quam si DEUS vitam concefferit, inter Græcos notiores reddam.

toris locum habet, nisi eum tributum affert, inquit Crusius l. c.

§ 30.

Iam ad secundum documentum Constantinopolitanum accedo, quod primum Latinitate dono, post annotationibus dilucidandum censeo:

„Ioannichius gratia Dei Archiepiscopus Con-
stantinopolis, novæ Romæ & œcumenicus Pa-
triarcha.

„Honoratissimi Clerici, Sanctissimæ Archiepi-
scopalis ecclesiæ Leucados & Sanctæ Mauræ &
„Archiepiscopalis Cephaloniæ & Zacynthi, reli-
„quique venerabiles religiosi & sacratissimi Mona-
„chi, cum omnibus subjectis eisdem pagis, No-
„bilissimi Cives, Seniores, Præfecti, & reliquæ
„christiani omnes benedicti earundem Parochia-
„rum filii spirituales humilitatis nostræ. DEUS vo-
„bis omnibus mittat gratiam suam & pacem, si-
„cut & nos, vobis cœlitus omnem felicitatem ad-
„precantes, benedictionem & Indulgentiam no-
stram impertimus.

„Qui legibus divinis non obtemperat, nec in-
„tra proprios limites restrictus versatur, si ecclesiæ
„addictus fuerit, suo statu, conditione & gradu de-
cidit;

„cidit, ob quas causas & inexcusabilis est, meri-
„toque reprobatur, & contra sacros ecclesiæ Ca-
„nones prævaricatus, ex ecclesiæ pomœriis rejici-
„citur. Sacer enim textus ita habet: Qui a præ-
„ceptis & institutis Dei recedunt, merito etiam a
„facie ejus rejiciuntur. Idem certe ex sanctorum
„etiam patrum legibus quam gravissima pœna ec-
„clesiastica digni reputantur, ut a dignitate & of-
„ficio, quod habebant, removeantur.”

„Cum itaque perceperimus, certioresque fue-
„rimus facti, vestrum Episcopum Leucadis & S.
„Mauræ Chrysantum, licet a Patriarcha nostro
„anteceffore suspensum ab ecclesiastica dignitate,
„nondum obtenta ad hunc usque diem ecclesiastica
„absolutione; Nostrum vero Cephaloniz Episcopum
„Sophronium, non impetrata adhuc Patriarchali
„& Synodica de ordinatione sua Bulla, omnibus
„hisce non obstantibus, ambo isti arroganter &
„parum honeste, antequam ex ecclesiastica consue-
„tudine, a principio observata, a nobis, Patriar-
„chali Bulla, potestate donarentur, consecrandi
„Gregorium Faceam, Philadelphiz Metropolitam,
„illum quidem, qui ab orthodoxis Christianis in
„inclita urbe Venetiarum commorantibus, tan-

„quam Philadelphię Metropolita electus & insti-
 „tutus fuit, consecrare fuerint ausi: Quę actio-
 „nes sunt contrarię sacris Canonibus, qui peni-
 „tus in eos degradationem decernunt, qui sine Pa-
 „triarchali Bulla & permissione ecclesiastica, epi-
 „scopum in quacunque Diocesi consecrare au-
 „dent, maxime eo, quem supra diximus, modo,
 „cum Leucados Episcopus absolutione ecclesiastica
 „nondum sit solutus, cum Cephalonię Episcopus
 „Patriarchales de ordinatione sua Bullas nondum
 „obtinuerit.

„Delictis hisce in Concilio bene examinatis
 „atque indagatis, iustum & æquum fuit visum,
 „ut ambo ex Apostolorum sanctorumque patrum
 „Canonibus divinisque legibus penitus officio suo
 „amoveantur & dignitate episcopali exuantur.
 „Quartus enim & tricesimus Apostolorum Canon
 „in hanc sententiam loquitur: *Episcopus ne ultra*
 „*limites, ordinet, & si contrarii fuerit accusatus,*
 „*una cum eo sit degradatus.* Cui & 34. confor-
 „mis est eorum p stolorum Canon, & nonus
 „Antiocheni concilii. *Prater Permissum sui Pra-*
 „*sulis operari nihil audeant Episcopi, nisi id, quod*
 „*ejusque erit partium.* Decimus & tertius & XXII.

„ejus-

„ejusdem concilii Antiochieni ita habent: Si quis
 „Episcopus non impetrata a Metropolitano per-
 „missione, Diœcesin intret aliam, consecraturus
 „ibi, quicquid fuerit operatus, nullum sit & irri-
 „tum, ipse vero degradatus suaeque dignitate pri-
 „vus maneat.

„Nos igitur consentientibus omnibus reve-
 „rendis & sacris Episcopis Spiritualibus nostris
 „fratribus & concelebrantibus, Synodice determi-
 „namus, ut supra dicti, sc. Episcopus Leucados
 „& S. Mauræ Chrysantus, Episcopus Cephaloniæ
 „& Zacynhi Sophronius, ex ea ratione, quia al-
 „ter quidem suspensus, alter vero absque Patri-
 „archali Bulla & permissione de sua ipsius con-
 „secratione, ausi tamen fuerint, sine prævia no-
 „stra Bulla & ecclesiastica permissione, ordinare
 „supradictum Gregorium Metropolitam Philadel-
 „phiæ contra leges divinas, sacros Canones &
 „ecclesiastica instituta ordinemque, quia sic pu-
 „blice contemtores sacrosanctæ nostræ ecclesiæ
 „comparent, nulla ratione habita Sanctorum
 „Canonum Apostolorum a Deo inspiratorum
 „omniumque divinorum patrum, ambo ideò sint
 „depositi, omnique usu Episcopali ac ordine privi

„divinaque gratia spoliati, ex numero Episcopo-
 „rum expulsi, omni episcopali emolumento de-
 „stituti, nec liceat illis uti habitu Episcopali,
 „tanquam depositis, omnique sacro careant, ita ut
 „Chryfantus & Sophronius appellentur, tanquam
 „duo privati considerentur, nec ut quis audeat
 „cum illis communia sacra facere, aut eos tan-
 „quam Episcopos honorare, nec eis manus non
 „religiosas osculari, aut ab eisdem benedictionem
 „& sanctificationem accipere, sub pœna suspen-
 „sionis & indissolubilis excommunicationis. Sic
 „fiat cum auctoritate. d. XI. Sept. 1762.

§. 31.

Negari nequit, Philadelphiæ Métropolitam,
 ecclesiæ græcæ Venetæ Métropolitam esse *αυτο-
 κέφαλον*, (*) sed a nexu cum Patriarcha Constan-
 tinopolitano immunem gerere sese nequit.
Αυτοκέφαλοι sui juris sunt, neminemque præ-
 ter

(*) *Αυτοκέφαλοι* etiam eo sensu sunt hi Me-
 tropolitæ, ut nec ipse Patriarcha Romanus si-
 ve per se sive per suos Episcopos ipsorum
 auctoritatem possit infringere. Revocavit qui-
 dem Pius IV. quæ Leo X. & Clemens VII.
 pro Græcis statuerant, sed Bulla Pii IV. in-
 ter

ter Patriarcham, agnoscunt Superiorem, de quibus
ita Gabriel Philadelphienſis in opusculo, de septem
Sacramentis. Ἐισὶ καὶ τινὲς ἐπισκοπαὶ, αἵτινες
ἐτιμῆθησαν παρὰ τῶν πάλαι βασιλέων, τῷ
καλεῖσθαι ἀρχιεπισκοπαὶ, εἰ καὶ ὑπ' αὐ-
τὰς ἐπισκοπὰς ἄλλας οὐκ ἔχει τῷ ἀρχιε-
πισκοπεύουσθαι. Inter αὐτοκεφάλους refer-
rem & Pecii Metropolitanum, de quo in sup.
diff. qui Patriarchalem fere dignitatem & autori-
tatem invitis licet aliis præ se fert. Fuerunt, qui
ex me quæſiverunt, quis fit ille Pecii Metropolita.
Græce scribitur Metropolita πεκίς, Pecii Civita-
tis Servia, cujus autoritas referente SMITIO de eccl.

Græc.

ter Venetos non fuit accepta. Sic Populi Dal-
matiaë Albaniaëque, Græco Ritui addicti,
toties Episcopum αὐτοκέφαλον sibi experie-
re, quæ de re Acta penes me extant. Habebant
olim *Savadiam*, qui infinitum græcorum nume-
rum secum adduxit. Hujus successor erat
Gublibradich, Slavus. At jam sine episcopo
relinquuntur, quod Græcos maximopere an-
git, & innumerarum perturbationum origo in-
felix est, cum Episcopi Romani alto super-
cilio in hanc Nationem invehantur. Quid
mali

Grac. stat. bod. p. 56. in universam Serviam, a sedecim Episcopis sub illo administratam, exercetur. Scribitur & *πισκίς ἐν τῇ νέᾳ ἐκδήσει* ad finem *Codini* de aula Cſtp. p. 419. Inter hosce *αὐτοκεφάλους* referrem etiam Veneræ ecclesiæ Archiepiscopam, Philadelphia Metropolitam, qui sui juris cum nemine nisi cum Patriarcha communicat. *Ἀυτοκεφαλία* vero non nisi ab Imperatoribus olim pependit, adeoque & hodiènum Principem est, eandem pro lubitu conferre, salvis juribus primi Patriarchæ. Jus enim, quod Iustinianus habuit, Acridum Dardaniæ oppidum, natale solum in sedem Metropolitanam erigendi, id & penes

mali inde nascatur, ex Epistola publica Hieronymi *Querini*, Prætoris, patet, in Actis n. 30. qui ita infit:

„Involto nell' ignoranza il Presbiterio, in
 „confusione la disciplina ecclesiastica, non è
 „gran fatto, che vi sia facilmente intrusa &
 „pienda sempre più piede la licenza e la cor-
 „ruzione, con quei mali e perniziosi effetti che
 „sogliono molte volte confonder la pubblica
 „e privata quiete.„ In seqq. momentam
 hujus rei ex genio nationis demonstrat,
 quæ Episcopos suos imitar oraculi veneratur.

penes alios est Principes. Illis maxime urbibus, quæ Provinciarum sunt Capita, hoc jus sponte possunt dare. Sic quis inclytam Venetorum Rempublicam prohibeat, quo minus Philadelphix episcopo, quem habent, Metropolitæ titulum & insignia conferant, sicque, cum throno ecclesiastico, cathedram, ut loquitur Eusebius H. E. L. 7. c. 32.

Hæc enim prærogativa ei debetur, qui civitatem obtinet, quæ in laterculo Imperii Metropolis dignitate fruitur, docente Motta l. c. p. 27.

Διὰ τὸ ἐν τῇ μητροπόλει πανταχόθεν συντρέχειν πάντας τὰς τὰ πράγματα ἔχοντας.

Ipse Archiepiscopi titulus quoties ab Imperatoribus collatus? Motta l. c. p. 21. quem olim Afri patres tantopere reformidarunt, ut circa a. 385.

in Concilio quodam Canonem dederint: περὶ τῆς τὸν πρῶτον ἐπίσκοπον μὴ προσαγορεύεσθαι

ἐξαρχὸν τῶν ἱερέων, ὥς τὸν τῆς πρώτης καθέδρας ἐπίσκοπον μὴ λέγεσθαι ἐξαρχὸν

τῶν ἱερέων, ἢ ἄλλῃ ἱερέα ἢ τοιοῦτον τρόπον ποτὲ, ἀλλὰ μόνον ἐπίσκοπον τῆς πρώτης

καθέδρας, quod & sedulo observarunt Afri. Quæ si quis cum statu ecclesiæ præsentī conficiat,

mirum

mirum quantum discriminis intercedere deprehendet. Ubi enim antiquitas aliquid de Bullis inaudit, quas repetere a Patriarchis necessum sit, licet id hodie fieri, in se, si more Constantinopolitano fiat, non vituperem. Ordo enim res est meri arbitrii, sed ordini proposito refragari, id nefas est. Observavit *Smithius* l. c. p. 54. ab Episcopis & *Presbyteris* ordinandis non leve, quod ad publicas rationes pertinet, percipi emolumentum, cujus asserti fides sit penes autorem, quam vero etiam ex Actis quæ præ manu habeo, confirmo. Ipse terminus Bulla tam recens est in ecclesia inventum, ut ævo certe Apostolico necessitas nulla, Bullas obtinendi, fuerit, licet in terminis faciles esse queamus, siue Bullas siue epistolas confirmatorias, quarum tamen auctoritatem nemo reprehendat, vocaveris. Ludicræ sunt derivationes Bullæ a *Rebuffio* in praxi apostol. p. 144. allatæ, v. gr. uti quondam Imperatores hac Bulla fuerint usi, sic hodie Papas acto de universo mundo triumpho hisce Bullis uti, ipse vero *Rebuffius* a Bullis aquæ derivandas censet. Hæc de Sophronio, qui Bulla non instructus erat, dicta sunt.

§. 32.

Alius est casus Chrysanti Leucados episcopi, qui a præcedente Patriarcha anathemate fuerat percussus, quo nondum se solvit. Quæ de excommunicatione sentiat ecclesia Græca, satius te docebit *Thomas Smith* l. c. p. 175. 151. 156. & *Crusius* in *Turco-Græcia* p. 197. Duplex est has absolutiones considerandi modus, alter ex parte delinquentium, & an quædam pro ipsis militent rationes, alter vero ex parte Principis. Si verum est, quod *Idem Smith* asseverat p. 122. non nisi anxio labore corradi debent nummuli, quibus debito spiritualis satisfactorio pro excommunicationibus, satis quod est, fiat, quas pœnas sive multas pecuniarias ipse etiam Gabriel, ἔμπρακτον πλήρωσιν καὶ τελείωσιν τῷ κανόνας vocat. Sit iterum fides penes autorem, id vero extra dubii aleam est positum, excommunicatum valide nec ordinare nec quævis sacra celebrare. Pro principe faciant motiva sanæ politicae, quæ uti pecunias Romam distrahi vetat, sic nec a quovis subdito extra statum auferri vult. Sed cum istiusmodi cautelæ nostro in casu non obversentur, id iustum contra Chrysantum manet præjudicium, excommunicato nullas esse

esse actiones. Porro extra Diocesin non licere ulli Episcopo, consecrationem alterius suscipere, illud Concilium I. Constantinopolitanum a. 387. jam statuit, τὰς ὑπὲρ διοίκησιν ἐπισκόπους ὑπερορίας ἐκκλησίας μὴ ἐνίεναι, μηδὲ συγχέειν τὰς ἐκκλησίας, quem Canonein Damasus repudiavit & Latini falsi argunt. cf. Baronius ad a. 381. & Motté P. 34.

§. 32.

Tertium denique documentum huc redit, ut ecclesiam Venetorum Græcam a Facea removeat. Illud vero ita fluit :

„ Joannichius divina gratia Archiepiscopus Con-
stantinopolis, novæ Romæ & æcumenicus Pa-
triarcha.

„ Honorandi & Nobiles Domini Procuratores
ecclesiæ S. Georgii martyris, laudatissimi Merca-
tores, cœterique omnes benedicti Christiani Græci
nostræ Nationis & ecclesiæ Christi orientalis, in in-
clynæ & a Deo conservata Venetorum Republica
existentes & commorantes, filii in Deo a nostra
mediocritate dilecti, benedictionem vobis in Do-
mino impertimus, spiritualiter & paterne vos
salutamus, omnipotentem DEum precati, ut vos
omnes

„ omnes in salute tum spiritali tum corporali con-
 „ fervet, ita ut felices, concordēs unitique in uno
 „ Spiritu sub communi nostra matre Sanctissima
 „ Christi orientali ecclesia, tanquam ejusdem legiti-
 „ mi & dilecti filii vivatis.

„ Non adeo multum effluxit temporis, ex quo
 „ Epistola vestra ad nos pervenit, qua nos certio-
 „ res fecistis, divina annuente misericordia & cle-
 „ mentissime providente Deo; Serenissimam Rem-
 „ publicam Congressui orthodoxorum nostrorum
 „ Christianorum orientalium potestatem fecisse,
 „ Metropolitam Philadelphiae in vestra S. Georgii
 „ ecclesia creandi, iisdem munitum privilegiis &
 „ libertatibus, quibus olim erat instructus, annos
 „ ante quinquaginta, qui immediate Patriarchali
 „ nostro & œcumenico Throno debeat esse subje-
 „ ctus, & ab eo consecrandus, ita ut spiritualiter
 „ nostrae Nationis orthodoxos, ibidem commoran-
 „ tes pascat. Vos vero ex inspiratione divina facta vobis
 „ a Serenissima Republica potestate, misericordia
 „ & humanitate in Nationem nostram permota,
 „ sacrum Monachum Georgium Faceam elegistis,
 „ propter quem a nobis poposcistis, ut Synodalem
 „ mitteremus Bullam, vi cujus canonice & legitime



„ fiat Episcopus , qua de re permultum fuimus
 „ lætati, Deum laudavimus, qui ita voluit, Sere-
 „ renissimæ Reipublicæ benedicentes & innumeris
 „ actis gratiis ex animæ & cordis abundantia be-
 „ ne precati, quæ publica cum munificentia &
 „ charitate nostræ Nationi id beneficii voluit con-
 „ cedere. Dum vero spirituale hoc donum ex
 „ legibus & ecclesiæ Canonibus , omnibus nu-
 „ meris debebat esse perfectum, neque sine exa-
 „ mine, temere aut casu accidere, res enim san-
 „ ctæ, inquit Apostolo sancte debent fieri, ne-
 „ que bonum vere bonum est, nisi revera bene
 „ peragatur, vobis tum respondimus, nos hancce
 „ nostræ Nationis felicitatem cum jubilis & ma-
 „ gna lætitia accepisse. At, ut consecratio ex le-
 „ gum fiat institutis, eodem misimus orthodoxam
 „ fidei professionem ex usu & ordine ecclesiæ Chri-
 „ sti orientalis, quam scripsimus, ut primo loco a
 „ consecrando tum & aliquibus privatis Mercato-
 „ ribus subscriberetur, subscripta ad nos mittere-
 „ tur, sicut nos Synodalem nostram Bullam, qua
 „ fiat consecratio, mitteremus.

„ Dum vero, ut præcepta effectui darentur,
 „ expectavimus, persuasipræcipue, fore, ut Vene-

„tus orator, hic Constantinopoli sedens, nos ea
 „de re certiores reddat, qui in aliis etiam sæcu-
 „laribus negotiis Dominium Venerum spectantibus
 „intercedit, multo magis vero in simili negotio
 „ecclesiastico, a Serenissima Republica proposito &
 „decreto, hac de re ne ab Oratore quidem aliquid
 „inaudivimus. Inaudivimus potius, Gregorium
 „huncce propria auctoritate & temerario ausu, spre-
 „tis tum divino tum humano jure invitatis duobus
 „Episcopis contribulibus, Episcopo puta Cephalo-
 „nia & S. Mauræ, quorum quidem iste S. Mauræ
 „episcopus præcedenti contra eum vibrata ecclesiæ
 „sticæ suspensione est constrictus, Cephaloniensis
 „vero hunc usque in diem Canonicam de consecra-
 „tione sua Bullam nondum habuit, a quibus illega-
 „lem consecrationem subreptio modo accepit,
 „nominatus ita in idea Philadelphæ Metropolitæ.

Quæ temeritas in magnam nos conjecit in-
 dignationem, qua quippe Jesu Christi ecclesiam,
 perpetrato actu legali, nihili habuit, facultatem-
 que œcumenicam nocci pendit, ipse vero secundum
 ecclesiasticas leges & Canones tanquam reus fuit
 condemnatus, facto a nobis Synodico decreto, ut
 irregulari consecratione excidat, & una cum eo

bini Archiepiscopi, qui contra Canones eum consecraverunt, & insuper una cum hisce ille, qui rem ei istam quasi nostris verbis referre fuit ausus, scilicet Philodicus Vizamanus, quapropter degradationes istæ canonicæ & synodales a nobis Corcyram Reverendissimo ibidem residenti Protopapæ fuerunt transmissæ, ut ibi prælegerentur, actionesque eorum tanquam indignæ promulgarentur. Quæ degradatio, ut & vobis innotescat, ecce Copiam degradationis hujus Gregorii Facæ authenticam, ut sacras leges Canonesque nostræ ecclesiæ defenderemus, quos diligentissime ex indispensabili necessitate conservare & quovis modo omni tempore secundum omnia systemata effectui dare studemus, quæ de orthodoxis ecclesiæ Christi orientalis Christianis reperiuntur. Immutabilis enim observantia Canonum, curæ nobis ita est, ne a quo conculentur & spernantur, in universalem ecclesiæ nostræ defensionem & conservationem. Postea alias etiam Literas vestras accepimus, quibus instantè supplicastis mediocritatem nostram, ut Gregorio isti Patriarchalem nostram mitteremus Bullam. At quo pacto, carissimi filii, id fieri poterit, ejusmodi consecrationem, contra leges ecclesiæque Canones factam, a nobis ratam haberi? Ea potius ratio est, cur
prædi-

ctus Gregorius, ut diximus, una cum consecranti-
bus synodice fuit condemnatus. Si quidem, uti
vos testimonium ipsi perhibetis, sanctissimæ orien-
talis Christi ecclesiæ legitimus esset filius, si, uti
ipse scribit, sanctissimæ nostræ Patriarchali fedi ef-
fet obediens, nostræque mediocritati subjectus,
actionem similem perpetrare non debebat, temera-
riam eam quidem & maximopere illegalem & con-
tra Christi ecclesiam, nobis subjectam, insurgendi,
sed ante irregularem consecrationem patriarchales
nostras Literas expectare debebat, cum ipsi præce-
perimus, ne ordinationem ante permissionem ab
ecclesiâ vi nostræ Bullæ datam suscipiat, quo de-
fectu ipse se condemnavit. Vos igitur omnes com-
morantes ibidem Christiani, accepta hac notitia
cavete, ne qua in re tanquam sanctæ Christi eccle-
siæ filii decipiâmini, sed sani & integri fe-
vidaque fide, observatis veris dogmatibus sacisque
legibus ecclesiæque Canonibus perseverate. Gratia
Dei & infinita ejusdem misericordia, a nostra vero
mediocritate benedictio fit cum Vobis omnibus.
Datum Constantinopoli a. d. 8. Nov. 1762.,

Joannichius Constantinopoleos.

Benedictio a Deo & a nobis fit vobis omnibus.

§. 34.

Ut nunc omnia ordine historico recenseamus, dabimus succinctam facti speciem.

Electio Archiepiscopi Philadelphiensis, Ecclesiæ Venetorum Græcæ Capitis, sacerdoti cuidam obtingit, Domino Georgio Faceæ, qui & olim Capellanus ejusdem ecclesiæ fuit. Occultis ejusdem artibus fautorumque præpotentiæ id tribuunt nonnulli. Eruditissimo *Milia*, cujus nomen inter Eruditos non ignobile est, aliquid detrimenti vel præjudicii subnatum inde esse, constanter asseverant. Ipse enim *Milia* Vicarius Episcopalis jam erat, & per septennium ecclesiæ Græcæ præstitis sacris, se commendaverat. Suffragiorum vero numero *Milia* erat inferior, quam injuriam Simonix cuidam ex parte fautorum Faceæ tribuunt.

Facea itaque, suffragiorum præpondio electus, Coreyram se contulit, ut ibi consecraretur. Electio interim Patriarchæ Constantinopoli fuit rescripta, ut ab immediato hoc Metropolitano potestatem nancisceretur, consecrationem a tribus Episcopis ex canone 4. Concilii Niceni suscipiendi. Patriarcha respondit, minatus, ne ordinationem suscipiat, ante quam certis abusibus sufficientem parasset medelam, qui legitima ecclesiæ orientalis jura videbantur infringere.

Non

Non curata prohibitionē, fautores Faceæ eo rem adegerant, ut consecratione quidem, quam ipsi Græci, Simoniacam & illegalem vocant. Venerias re-
dux, Episcopum se gesserit, & sedi episcopali immitti
juribusque annexis uti præsumferit. Sed Patriarchali-
bus Bullis non instructus, quæ requisita sunt ex jure
Græcorum ecclesiastico absolutæ necessitatis, Princeps
ipse omni functione Episcopali omnique cujuscunque
juris usu eum interdixit.

Tempore electionis & consecrationis bina Bre-
via a Papa mittebantur, quorum prius electionem,
alterum consecrationem declarabat irritam. At Ecclesia
orientalis, quæ prærogativam dignitatis Papæ concedit,
non auctoritatis, Concilio eum vult subiectum. Fau-
tores Faceæ epistola æquivoca & forsitan supposititia
Bullas Patriarchales quovis momento expectandas
mentiti, hac spe Græcos deluserunt, ut muneri im-
mitteretur. Pontificalibus sacris ille functus, Missam
nunquam celebravit. XLV. die post, Bullæ Cstp. Vene-
tias perferebantur, quibus vero Patriarcha in alia
omnia abiit, ac sperarant Faceæ amici. Omni quippe
sacro charactere privatus, inque Laicorum condi-
tionem delatus declarabatur, additis minis gravibus-
que censuris contra omnes, qui sacra cum ipso facere
aude-

auderent. Aliquot post dies in templo comparere non destitit Facea. Sed quam lugubris schismatis hujus facies? Conspexit Facea, omnes ex templo se amovebant, ita ut vel plane solus vel certe cum paucis ibi relinqueretur amicis. Nunquam vero voluit, ut nomen ipsius ex Diptychis, ex Missa aliisque officiis sacris deleteretur vel omitteretur. Commemoratio vero Faceæ degradati, cum tam Celebrantem quam adstantes profanet, nemo ecclesiam hanc adit, cultusque Græcorum, ne polluantur, plane jacet.

Idvenit tertium Breve Romanum, Papæ vero, qui quavis ratione rebus Græcorum ingerere se conatur, ne tantillam quidem juris hac in re tribuitur.

Ex debito ecclesiastico tum consecratus tum consecrantes Constantinopolin scribunt, factam esse Consecrationem, quibus acceptis literis Synodum convocavit Patriarcha Episcoporum, qui omnes sententiæ de deponendo Facea accefferunt.

Patriarcha interim Joannichius throno detruditur, at successor unus est eorum, qui Synodo interfuerunt. Manet itaque firma contra Faceam sententia! Sicque, quod dolendum, dum lapis offensionis tollatur, durabit hocce ecclesiæ Venetæ & Dalmainæ schisma, Græcis funestum, Faceæ probrosum.

